

杞縣志

札縣志目錄

卷之一

聖製

卷之二

天文志

星圖
附具

分野

躔度

星氣

彗星

卷之三

地理志上

沿革

封建

古蹟

卷之四

地理志下

疆域

山川

水利

卷之五

建置志

城池
公署

學宮
壇廟

書院
寺觀

衙署
坊表

倉庫
橋梁

卷之六

禮樂志

秩祠

鄉飲

卷之七

田賦志

賦稅
支發

漕糧
河夫

戶口
蠲賑

地畝

存留

卷之八

風土志

風俗

物產

卷之九

職官志

刺史
訓導

縣令
各宦

縣佐

判屬

教諭

卷之十

選舉志上
舉人

卷之十一

選舉志下

秀才
武科

恩拔
誥封

副歲
任子

例貢

例監

卷之十二

武備志

兵防

舟戰

烽埃

驛遞

軍衛

卷之十三

人物志一

古聖

名儒

忠烈

直諫

卷之十四

人物志二

事功

循績

卷之十五

人物志三 孝友 篤行

卷之十六

人物志四 文苑 武功

卷之十七

人物志五 隱逸 善良

卷之十八

人物志六 游俠 流寓 方伎 耆農

卷之十九

列女志上 后妃 名媛 義烈 烈女 烈婦
孝女 孝婦 賢婦

卷之二十

列女志下

卷之二十一

藝文志一

碑記

卷之二十二

藝文志二

銘 讚 頌 疏 表 傳 序 文
辨 引

卷之二十三

藝文志三

詩歌

卷之二十四

叙錄志

舊志序 書籍目 舊修志姓氏

杞縣志卷之二十二

藝文志二

銘
文
辨

傳序

銘

漢

夏菴先生陳留范史雲銘

蔡邕

關人
中郎將

先生諱丹字史雲陳留外黃人陶唐氏之後也其

在周室有士會者爲晉大夫以受范邑遂以爲氏

漢文景之際爰自南陽來家於成安生惠及延延

熹二年官至司農廷尉君則其後也君受天正性

志高行潔在乎幼弱固已藐然有烈節矣時人未

之或知屈爲縣吏亟從仕進非其好也退不可得
乃託死遁去親戚莫知其謀遂隱竄山中涉五經
覽書傳尤篤周易尙書學立道通久而後歸遊集
太學知人審友苟非其類無所容納介操所在不
顧貴賤其在鄉黨也事長唯敬養稗唯愛言行舉
動斯爲楷式郡縣請召未嘗屈節甚有備禮招延
虛已迓之者亦爲謀奏其忠直以處士舉孝廉除
郎中萊蕪長未出京師喪母行服故寧那闕後還
郎中君遂不從州郡之政凡其事君過則弼之闕
則補之通清夷之路塞邪枉之門舉善不拘階次

黜惡不畏強禦其事繁傳不可詳載雅性謙儉
勤能苦不樂假借與從事荷負徒行人不堪勞君
不勝其逸辟太尉府俄而冠帶士咸以羣薰見嫉
時政用受禁錮君懼其罪閉門靜居九族中表莫
見其面晚節禁寬困於屢空而性多檢恬不治產
業以爲卜筮之術得因吉凶道治民情以受薄償
且無咎累乃警卦於梁宋之域好事者覺之應時
輒去禁旣蠲除太尉張公司徒崔公前後四辟皆
不就仕不爲祿故不牽於位謀不苟合故特立於
時是則君之所以立節明行亦其所以終時失途

也年七十有四中平二年四月卒太尉張公兗州
劉君陳留太守淳于君外黃令劉君僉有休命使
諸儒參案典禮作諫者謚曰貞節先生昭其功行敏
紀所履著于耆舊刻石樹銘光示來世銘曰於顯
貞節天授懿度誕茲明哲允迪德馨如淵之清如
玉之素潤之不濁涅之不污用行思忠舍藏思固
伯夷是師史魚是慕榮貧安賤不怯窮迕甘死善
道遺名之故身沒譽存休聲載路

明

萬歷壬午秋八月既望日不佞同年真州長侯君
以其從父方伯公所爲尊公北岳先生暨原孺人
狀乞不佞銘不佞少業雕虫及作吏風塵牛馬學
植荒矣侯君爲尊公不朽圖則胡不博求天下文
章鉅家其以屬不佞也侯君其嗜芟之癖邪夫自
傳龜襲紫鐘鳴鼎食之家多侈口述譟索索而彼
就藪澤處閎曠爲山谷之夫其制行貫金石燬風
化者顧恒弗得當鴻鉅一備紀載此世繇以多譽
慕乏信史也蔡中郎屠嘗謂生平所撰墓碑惟郭
有道足無愧色不佞於北岳先生亦云先生諱一

位字宗正別號北岳少汙詩弱冠爲學宮弟子員
學使者最其文餽之廩食聲藉甚人言先生博一
第若操券已而輒試輒不售人又爲先生惋慨數
竒乃先生謂所力學者人而所獲售與否者天利
鈍得失泊如也先生氣度冲粹言咲不妄矩矱自
持若畫地而蹈者居恒拊膺嘆曰獨行不愧影獨
寢不愧衾非吾人居身拱璧耶書屏几以見志居
喪則坐苦讀禮哀毀如孺慕侍母病爲調藥餌進
七筋昕夕不去側舅弟雁次者凡十一人先生友
愛無少間貲財弗入私橐出分則自業其薄者撫

幼弟方伯公逾加矜恤以其穎敏課之學不異其子於是里中無不稱先生孝友與人交坦中無町畦人人以親已然至面刺人過不少貸能改卽相與驩甚不復念迺知先生蓋有意非故費也讀書則上下數千百年抵掌而談六合之務若縣河貫珠聞者忘倦其爲文務簡奧不作浮語又好遊四方賢豪其所從皆丈人長者行一時有名士先生卽弗自表樹垂功名竹素然潛居默靜伏其身而不見何忝哲士之幽趣雅人之遠圖哉且以令子能其官天子下書寵其幽壤不食報于身而食報

于子孫足不死矣古高門大第金紫奕奕者或豐於

穠華乏於德義一時炎鑠千秋淒涼惟含貞抱素

之人傳焉鹿門谷口氣韻遠矣先生躬幽素而以

其文行昌大後人至侯君與其從父咸以經術起

家揚聲振藻而諸所展錯逡巡佩服一遵繩墨歸

於德義與世所稱炎鑠淒涼者相距不啻千里高

陵大澤上蒸雲霞必產龍蛇其北岳先生之謂耶

先生娶原氏繼何氏原孺人外彌內繼茹荼履葛

相先生唯謹以故得成先生高人謂先生多得其

功先生上世居頴上沿而徙杞北之焦喇村凡居

十世業農至先生始業舉子家言後世子孫振振
焉鵲起也蓋開侯氏世者寔繇先生始祖從義生
欽祖欽祖生仲德仲德生興興生璽璽以恩例爲
壽官璽生鈞鈞以長子爲鴻臚登任耶聘如其官
再傳而及北岳先生生嘉靖元年七月十三日卒

嘉靖四十一年正月初十日原生嘉靖元年十月
十八日卒嘉靖三十六年九月十四日先生有文
夫子二長卽應徵舉丁卯再舉丁丑進士受室張
氏次應科府庠生受室李氏女二人長適庠生徐
獻金男次出何氏適邑庠生劉芝芳張氏舉男孫

三人承芳邑庠生紹芳聯芳孫女二一許聘虞城
庠生范燦男范師稷一尙幼云銘曰長松之下千
人來瞻龍子之宮厥維巨浸表表侯公德日朗
一世再世雲蔚霞蒸乃有淑媛從公於隱侃母鴻
妻令德夙稟賢矣茂宰有聲奕奕鼎鉉臺司始於
銅墨孰酬之杼應孰迅之矢激所率匪文所永匪
石其翁與媪之德

讚

魏

頌頌讚

曹

道謹人

昌意之子祖有軒轅始誅九黎木德配天以國爲
號風化神宣威暢八極靡不祗虔

夏禹讚

吁嗟天子撫世濟民克卑官室致孝鬼神疏食蕪
服黻冕乃新厥德不回其誠可親亶亶其德温温
其人尼稱無間何德之純

唐

伊尹讚

柳宗元

聖有伊尹思德於民往歸湯之仁曰仁則仁矣非
久不親退思其速之道宜夏是因就焉不可復反

毫殷猶不忍其遲亟往以觀庶狂作聖一日勝殘
至千萬冀一卒無其端五往不疲其心乃安遂升
自陟黜桀尊湯遺民以完大人無行與道爲偶道
之爲大爲人父母大矣伊尹惟聖之首旣得其仁
猶病其久恒人所疑我之所大嗚呼遠哉志以爲

誨

頌

晉

漢高祖功臣二鄴頌

陸

機

雲間人平
原內史

厥厥黃野延節命圖進竭嘉謀良守名都東觀白

馬西距飛狐卽倉敖虞據陰三塗輜車東踐漢風
載徂身死於齊非說之辜我皇實念言祚爾孤
曲周之進與其哲兄俾率爾徒從王于征振威龍
脫據武墉城六師實因克荼擒黠

疏

明

請蠲田租疏

江禹緒 邑人

奏爲天下昔荒臣鄉爲最臣鄉俱困臣邑尤慘懇
乞皇上垂憐已盡之民速沛蠲緩之詔以救腹心
重地事昔人云天下未定何以家爲臣獨匪人敢

以私情竇我皇上竊念臣所言者非臣家也而臣鄉也非臣鄉也而實我皇上顛連無告之赤子也臣子處巖邊鄉音中斷已經年矣昨五月十八日接一家信云臣邑杞縣寇荒交甚斗米萬錢全無賣者臣母及臣子在家日啖糠粃然亦日不再食童僕婦女餓死者十餘口今覓一問訊不可得至城邑內外人煙希少屍骨山積所不俱死者止一縉紳與素稱有餘之家奄奄待斃耳此萬死一生之人固猶是爲皇上辦新餉舊餉練餉及登陣守禦之人也嗟嗟賦出於地今地盡荒矣餉徵於

人今人死盡矣地方有司卽撫字術窮敢言催科
耶臣不知臣鄉遭何劫數而困迫至此古歎人命
之賤狗彘不如由今觀之殆將甚焉事勢至此皇
上卽欲不蠲不緩而亦不可得乃臣猶以爲卽蠲
之緩之然亦祇存蠲緩之空名而竟無人承蠲緩
之寔惠也臣言及此臣腸幾碎臣淚成血矣伏乞
皇上宏開惻隱大沛仁恩勅下臣鄉撫按作何拯
救作何軫恤蠲緩可施速議蠲緩庶腹心重地不
至盡化爲坵墟臣宣力邊隅有厚幸矣

表

唐

謝金吾將軍表

張巡

想峨眉之碧峰豫遊西蜀追駭駟於元圃保壽南山逆賊祿山殺戮黎獻蹂污闕庭臣被圍四十七日凡一千八百餘戰主辱臣死當臣効命之時惡稔罪盈是賊滅亡之日

傳

明

侯生傳

申佳印

余曩自職制調紀冷味幾愆大至維時紀賊短垣

耳又傾垣中土習於治平久目不辨戈櫓寇數萬
內薄環攻一晝夜賴紳士奮同心力城以獲完蓋
侯生之翰之力爲多生字柱明杞庠士也素慷慨
明於忠孝大義家世通顯不以貲財自擁濟人之
急貧交待以舉火者無筭或稱貸積數十百往往
折券凶年散穀全活及於隣封於是邑中號爲長
者城守之役捐貲募敢死士與予同環甲提弓劍
手放火礮立矢石烈焰中寇登陴率斬墜城下僕
陳良中流矢立斃生不爲動比寇退議修築爲久
遠計慨然出精鏐數百砣砣成金湯生實首倡焉

丁丑予內召爲銓部郎壬午城遂陷予慟念舊遊

南望隕涕已而問侯生者安在杞人曰烈烈死矣

先是寇圍大梁急諸郡邑皆望風解散杞無固志

稍稍潛出走生憤甚振袂裂背曰吾祖若父世居

此一旦舍去獨以存亡遺邑大夫哉且俱去城齧

完理是我自陷耳率衆固守然竟不支城破身被

數創以死嗚呼此可謂識去就者矣今中原破裂

無完土寇焰如燎原雖守令之責乃其居民孳孳

多爲三窟計志已貳矣君誰與守使人人如侯生

天下事昧至此候氏其先穎上人徙杞八世而傳

大新公應徵以直介有聲於時是爲生王父父承
芳母劉氏生畝朴好學問積書甲於中州皆手自
鑿較十上省試不錄晚廢去以詩酒自娛配翟氏
子三延禧殤延祚延祐皆諸生能世其業考功氏
曰杞蓋有鼎元劉湛六先生云明絕學以綱常振
末俗居平艷稱忠孝事鄉人聞之熟矣故多感慕
礪名節而俟生以忠死侯生一布衣士可以不死
者見夫忍恥圖苟活風痛心焉志所不能堪奚必
有土哉然使若人不一用其志徒以布衣死里閭
中則又世道之可慨也已

木果元
卷之三
十
國朝

張烈婦傳

蘇爾翼

邑人舉人

張烈婦朱氏杞學生徽之女也初歸儒士張纘曾
父子莊亦杞庠生與徽同學聞烈婦賢故爲其子
委禽焉年十二喪母父授生徒自給中饋之事悉
任之故爲子女卽諳婦道旣歸張氏敬戒自持與
夫相敬如賓子莊家故貧且數竒三喪偶而三娶
烈婦事之皆得其歡心媼黨翕然稱賢焉十歸十
載一旦夫邁羸病經年不起烈婦深憂之顧貧不

能療檢嫁時衣盡鬻之以市醫藥迄無効滅熒昏

顛天誓以身殉請喘喘不及聞也康熙二十五年三月纘曾死烈婦一痛幾絕家人以爲迫切之情應爾不及防移時自縊於柩側時知縣事三衢徐開錫聞之親往致奠申請得

肯建坊如例南肥蘇子曰康熙二年余與烈婦父徽同膠庠相善也徽雅善屬文試輒冠軍卒不第天死且後嗣零替奄奄不振而其女乃強幹義烈如此真不愧其父

烈女蘇五姐傳

宋竹苞

烈女蘇氏名五姐杞邑庠世居城北樓岡丙成之

委女也少時許字同邑張氏年及笄適夫病甚劇其翁姑欲爲合卺從俗充喜遂于歸焉當是時夫已垂危氣息淹淹婚姻之禮未成幽明之途已隔遭逢之變一至於此可勝悲悼五姐歸告其父母曰伉儷未協形影孤單命也但年甫弱齡遽言柏舟矢志歲月甚長恐貽親憂不如以一死完節而今而後幸勿以我爲念再拜稽首吞聲飲泣父母見其志堅亦不復拒遂反夫家絕飲食數日而隕嗚呼吾嘗讀却聘書云慷慨赴死易從容就義難

夫魯山先生以有宋一代名儒學問節義赫赫

不隨視死如歸也豈不足流芳奕禩用以扶名教
而端風化哉故述其梗概以俟問俗採風者之旌
表焉

序

明

申濬源雍邱八景詩序

劉理順

中允

杞之爲杞不以景也而因景亦可以知杞是景之
傳不傳杞盛衰之驗也八景之來遠矣杞之人涉
焉而不知獨邑志詳之夫生於杞者居平無事時

且然矧宦遊其地倉皇於兵燹之日拮据於築鑿
之務縱榛莽烟霧中考其形似而一一被以不朽
之詠抑又難矣申侯學有原本治以暇整初合杞
喜其八景因各爲之題讀一過覺東婁故墟錯落
秀發不至如春秋時之淪於彝而一無可揚摧也
杞亦何幸與夫古蹟之湮沒者多矣黃鶴樓之傳
也以司勳鳳凰臺之傳也以青蓮蜀中草堂之傳
也以少陵豔能爲可傳斯無不傳雖片語亦千古
耳不然未見大夫號之足爲徂徠重也今而後杞

傳矣八景之詠流名之以數杞也可

劉文烈先生全集序

孫奇逢

晉城人
教授

人生天地逸焉中處卽百年亦且暮耳然其形體
微而有可以參天地者存焉其時雖無幾而有可
以與天地相終始者存焉故君子當平居無事之
時凡有關於忠孝大節必慎守深惜罔敢隕越及
當大故臨大難其所以參天地者以之而立其所
以與天地相爲終始者以之而行以余所知劉文
烈先生者殆其人歟先生弱冠舉於鄉卽以刻厲
躬修綱維風化自任迨壯始及第嘗曰周程張朱
今知所從事區區博一第非吾志也與劉公宗廟

金公鉉吳公甘來總鯁爲斯道斯民憂當逆關獨
嶽建幟擁旂者不宥實心辦賊公每向當事區畫
深遠咸格不能行暨勢已危迫僚友門人輩僉商
進止公曰國存與存國亡與亡古之訓也竟以身
殉妻妾皆就義嗚乎禽視鳥息於天地者無論卽
矜激於意氣慨慕乎聲聞此中顧變遲回涕漣見
女卽非中庸之行且猶不能與蹈白刃者同科公
致命遂志妻妾同殉非型于有素安能從容引決
若是乎孔子曰殺身成仁孟子曰舍生取義蓋亦

特至事起中心安焉者也雖一身之微百戰之頃

生之初極天地既壞之後前曠後察獨此一段忠

孝精光巍然不磨公之生也洵不虛生而其死也

真不死矣余生劉文靖楊忠愍之里嚮公於生前

匪朝伊夕余有甲申大難錄中州人物考皆詳公

殉難事曾過雍邱欲謁公祠不可得聞公之子講

山君能克家難後自毀不仕米幾以憂瘁死冢孫

曹石始梓公遺集十二卷行世曹石過余福門問

序余欲公之人固不待讀其文今讀公之文當益

欽其人蓋人與文未可岐視也周程張朱之文至

今在則其人至今在也天下事皆可偽襲於一時
而言之所發本乎志氣聲容可假而其精神不可
假者常存今余讀先生之文者亦第謂卽先生之
人而已矣庚子春分之次日

意田序

孟紹虞見前

意田何說乎以意起也古有義田而無意田義則
吾不敢聊以識吾意耳王父儉於業家大人析箸
時盡以讓之伯叔父余兄弟衆漸次授室食指日
益夥太人舌佃不足果衆腹萬歷丙申余年十六

始入膠率蓋衣粗食糲甚至膏油不續以饋學也

素封何君號月亭邑南湯家寨有庄一區田千畝
先已有所鬻屬旋以田之瘠也毀其契索直何頗
心恚乃免親識轉鬻於余大人初難之何曰價如
貫不計年也大人乃轉貸廿金成契此後遂稍稍
仰給茲土然田果瘠甚復叠逢歲鬻完公租之外
遂無贏餘不能稍及逋直如是者累年私心時時
念負不置壬子冬當計偕次日上公車而先一夕
不能寐私自意曰此行也若幸而得售者則當作
某善事已而慨然曰余之食於斯寢於斯累重負

而未有已也何善之能爲他日完若直則應計年
但有他田畝稱是可以糊口必捐此田以助族戚
之不給者如其逋之年癸丑幸叨一第竿濫清署
俸薪日若弗贖茲土粒米寸株悉變易以供京邸
之需已未請假歸書麓襪被而外毫無長物家居
一載重以兒女嫻事相逼稱貸親知者復累數百
金又豈能填逋直哉然何之誼甚高自成契至今
未嘗一啟口也辛酉冬余復如都補官祿入漸豐
且供事講筵兼領筆札之役間叨賜金與大官之

諸府卿之餘見直或反以直日皮前次故不嘗再

而或以不諱期未敢推排前通至戊辰夏余得
告歸里是歲十月始灑然釋逋負也蓋自乙巳至

戊辰二十四年矣則此二十四年來充家人之口
潤宦橐之溢非已有也非仍以二十四年之上入
還之人不可自今已已爲始茲土之租手爲別貯
照後開欸項分助族戚之不給至壬辰完二十四
年始畢此吾壬子冬上公車前一夕意也嗚呼自
今以往二十四年吾之生死不可知若二十四年
以後有能嗣續吾志永捐茲土則可更名曰義其
二十四年內第名曰意租之出入終始一如吾意

木果司 卷之三
斷斷不可中渝使吾意不終令人齒冷也或曰是
舉也彰朝廷之祿賜昭清白之素風著敦睦之懿
軌而又不泯何君之誼子之意誠善矣獨不曰有
意爲善則其善必不誠乎予曰善則吾不敢寧敢
新言意也述其意付兒輩識之

孽藪序

何印光

邑人廣吉士

夫風雅喻志覃和吉之音忠孝陳懷啟悲越之緒
匪情激而性動胡文茂而旨安也吾友審今少年
英絕感時撫事慨然有澄清之志蓋亦灑灑乎揮

斯序之誤而擊中流之楫矣憂患之深徵爲歌咏

掩何哀憤以真伸意坎壈而不平也溯自客秋
奄及再歲戎馬如生鈴柝風戒荷矛登埤日夜不
遑重以饑饉接至流亡滿目蝗蝻遍野白骨爲山
道塗間阻心悸魂疑而世鮮古處視天夢夢尤足
傷人懷抱審今惻然深念欲以亢辭激論發思古
之幽情觀其澹永而慧思崢嶸而孤特若以怨婦
離憂友生情愛窮成風悲周行望遠壯懷浩渺古
調蕭索雖復幹以風力潤以丹青要使味之者無
極而聞之者動色攬塵露之初若非拾香草之餘
潤也文變業乎世情怨亂繫乎時序揆茲梗槩

其然歟審今弱不勝衣冲度飲人而著爲文章乃

復恢奇簡宕虎嘯龍蟠文心霸氣偉岸難降如劍

舞雲霄藉其猛厲以通幽冥豈非至性過人者耶

曩元次山道州詩云安民天子志符節我所持又

云何人采國風我欲獻此辭以此知古人經術之

才形於性情懷鄉歷都望古傷時皆非無故而作

故少陵曩稱詩史然則古今爲詩而不能闕時代

之遷流者其詩必不足以傳所可傳者流連憂思

之情感極而悲之意而已審今其有志於斯乎至

於易惟易卜者今業已自裁則凡爲龜爲筮亦等

之看花蝶蛺蝶種種緣盡付慈悲之度吾故欲置
斯編於湘君漁父之間泣然諷覽將使百草菴離
白露爲霜肅穆之感不第悲哉秋之爲氣也

國朝

鷗沒集序

耿念劬邑人

曰若作易原於憂患行吟抱乎幽愁岐陽有履霜
之操長沙者似鴟之賦嗣是而建安黃初之盛浸
假而神龍大歷之音振古洎茲代有傳人人有奇
句跡其音響大約皆非無因無故而漫然有作者
然也或牢騷淒斷悲坎壞之纏身或豪宕感激痛

百憂之煎慮如杜陵漂泊於湖南玉局支離於海
外說者謂詩能窮人余曰非詩之能窮人乃人窮而
後能詩耳余放情有癖處世無才十載淫書愧未
破夫萬卷三年茂宰祇自信於一心何知蹭蹬拙
為橫櫂投閣之愆不謂汪洋寬典幸叨解網之

恩既峻罰之獲逋斯餘生之有適彼負如釋此身似葉
菲屋未荒試問籬菊深院清陰不改懸知溪竹抽
牆隔鄰杯盡取閉門來孟祖之呼穿舍菜甲烹搗
徑稅斛斯之駕况海內尚存知己自天涯可與比

鄧行將長翁五秩子弟是勝於董叔行音韻是也

江青雀躡芳於鷓鴣遠迥杳無期陳跡何妨再
至車麟麟馬蕭蕭故山舊侶偶判袂於酒壚舟搖
搖風颯颯異地新知每投簪於藝苑靡蕪春草貯
囊滿泛江瓢錦石秋花散帙全覆醅翁起辛亥以
歷年新解組而紀事所閱既廣得句頗多快意疾
書半是愁極遣興寸心得失不須改罷長吟收棄
擲於卷軸存什一於千百取浩蕩雅馴之句標文
章小技之稱於道未爲尊唯信尙堪驅使在掉頭
不肯住舍日長留天地間

疑有缺誤

募修劉文烈公祠堂

陳黃懿

山西人
邑令

蓋惟忠義大節如日月經天江河行地其精神磅礴無處不屆然其神明之所栖息必在井里墟墓之間故舊德餘烈內足以貽穀於子孫外足以樹善於士友聞其風者雖婦人豎子皆能感慨發憤若周孝侯鄒浩之於晉陵謝疊山江萬里之於信州江州文信國之於廬陵如斯之類其人至今猶存而居是鄉者爲之大啟祠宇崇飾廟貌春秋享祀以妥以侑以爲必如是而後慊於心至於庭草墓松必相與封植之然後即安及其久而圯毀則

無所憑依必謀所以新之雖顛蹶塵埃中敝其力
而無所於憾蓋忠義之入人最深天地之正氣賦
於人其於性分之內雖厚薄有殊無或漸滅夫是
以氣與氣相感神與神相交往往欲存其人於千
百年之下旣不可得則祠廟以致其嚴几筵以篤
其敬是皆有莫知其然而然者矣杞邑文烈劉公
當有明末造豺狼縱橫京邑淪滔公以詞臣殉國
一門先後從公於難者二十人忠烈震天下

本朝定亂特錄孤忠以風勵臣節

勅賜專祠於縣城西二里距今蓋八十年雖象賢世守松

栢不剪而風雨飄搖祠宇日毀其裔孫皆承祖訓
清節是尚營葺之謀久而無成將使忠義漸湮鄉
黨無所矜式而風俗以壞是則有司之過而邑人
士亦莫能辭其責也丙午首夏其嗣孫師寬以作
新之事來請余爲捐俸以助復爲文以序以遍告
於邑之士友俾並致其力以克底於成功夫公之
祠廟常新則公之忠節有所寄忠節有所寄則邑
之義風日振方軌追清足以爲範於中州矣

高烈婦殉節錄序

胡具慶

峇城人
舉人

申乙酉之際天下士大夫擗軀殉難者不可勝數
而其父子夫婦妻妾奴僕舉家死義至十有八人
之多未有如文烈公一門者不寧惟是前此公有
兄子曰自立自修皆早世自立妻許氏旣以身殉
自修之妻亦以父母欲奪其志而自毀以死後公
之歿二十有三年爲康熙丙午公會孫頌天亡而
其妻馬氏復死之卽高氏之姑也又六十年至雍
正丙午而高氏又投繯自盡以隨夫於地下蓋其
百年之內五世之中殉節者前後相望至有二十
餘人自古節義之家未有過於劉文烈公一門者

嗚呼可謂盛矣予嘗怪世俗論人家門祚之盛衰者止論其爵祿之崇卑豐薄而不歸諸節義此大謬也夫節義之在天壤與日月爭光與山嶽並峻尊莫與京而貴無與比此豈區區爵祿所可同日語者故吾謂人家門祚之盛衰當一以節義爲斷苟其節義世敦家雖衰盛也其奸回庸鄙家雖盛衰也昔魯叔孫穆叔聘於晉士匄逆之而問所謂死而不朽者口匄之祖自虞以上爲陶唐氏夏爲御龍商爲豕韋周爲唐杜晉爲范氏其是之謂乎

有立功久而不廢此之謂不朽今自劉文烈公至
於高氏世敦節義近於立德而綱常賴以不墜其
有功名教亦不細此正穆叔之所謂不朽而不可
與世祿並論者則盛莫盛於此矣乃世俗但見文烈
之後無顯者遂謂其門祚之衰豈不謬哉抑予又
有說焉夫世之奮不顧身以死義者亦所在多有
而獨文烈公能使臧獲婢妾幼子少婦不但相隨
於一日之間而且感奮於百年之後此何以故孟
子曰至誠而不動者未之有也不誠未有能動者
也予嘗讀公文集考其平口其一段朴誠實有可

以歷千古而不朽者及觀高氏夫病二載辛勤事
奉無間寒暑逮夫病篤衣不解帶者六閱月死前
七日已盡焚其服飾蓋其積誠已久矣誠與誠相
感此其所以百年五世而前後如一轍也先是定
例惟守節三十年始旌表而夫亡從死者不與焉
今大中丞田公以高事上諸

朝

天子嘉之破例予旌表故其嗣子成羣哀集其事之顛
末題曰殉節錄所以彰

宋景元 卷之三 三

一門節義之盛如此並推本其所以致此之日而歸之於一誠俾後之覽斯錄者得以有所取則焉

文

明

憲宗皇帝祭孫賢文

維成化十四年歲次戊戌五月壬戌朔越十日辛未皇帝遣河南等處承宣布政使司左叅議宋有文諭祭贈禮部左侍郎兼翰林院學士孫賢曰惟爾早領鄉書繼登甲第歷官翰苑薦陟容臺事朕春官克勤職業引年致政用遂其志茲焉云亡特

賜塋祭爾靈不昧其克享之

神宗皇帝祭侯于趙文

維萬曆二十七年歲次己亥二月辛亥朔越十二

日壬戌皇帝遣河南布政使司分守大梁道袁奎

諭祭原任山西巡撫都察院右副都御史侯于趙

並妻贈夫人張氏曰惟爾起家甲第筮仕刑官擢

任地曹改除瑣闥諫草著不回之節匡時見憂國

之心敬歷臬藩保惠滋衆迨闕封晉地之日正鹵

王初喪之時經營得宜鎮定多算遂令弓發絕塞

簞用錫恩旣賢醜以偕藏渙明綸而葬祭英靈
如在異渥同歆

國朝

賀鄉飲大賓王允恭文

侯方曾

邑人內
閣中書

粵稽三代有憲老祈言之典漢重更老而天子親
爲祖割歷唐宋以及於明皆式遵勿替我

臯上爲教化風俗計鉅典加隆每歲再舉有司勤事惟
謹聲鐘考鼓饋醬執爵多士彬彬觀者肅然生敬
儼然見

聖天子尊年尚德之至意但奉行旣久或視爲具文甚

且濫觴其人甚非所以助教化美風俗也已丑春
正允恭王君榮御賓筵里人走使燕臺祈余言爲
贈且曰是舉也邑人士咸交口稱善持羊酒相賀
者踵相接道路之人皆以爲榮憶余家食時頗悉
其生平朴茂謹愿恂恂有長者風能教子以列士
林無賴輩挾詐力以凌之率不校洵乎年高德劭
無愧一鄉者其克膺鉅典宜矣余又何以爲賀哉
余惟願鄉里子弟之誇誕不實者桀驁不馴者或
被服詭異而昵匪比頑者皆以君行爲模範庶不

而者... 化風俗者... 更...
三... 他日請沐歸里登君之堂當特舉一觴以

辨

明

伊尹辯

李興

伊尹生不經見帝王世記云伊尹生於空桑下地
孟子云伊尹耕於有莘之野而樂堯舜之道註亦
無明釋古郡志云生於空桑以伊水爲姓一統志
云空桑澗在嵩縣南有莘氏女採桑伊川得子於

空桑申長而相殷是爲伊尹及考開封陳留有莘
野門有空桑城在縣南伊尹母孕避水東走化爲
空桑有莘氏採桑得嬰兒於其中又曰伊尹生於
伊水之上志人物旣於河南又於開封志流寓又
於西安觀者疑之又有以盧氏莘卽邵陽莘國亦
言者殊不知一爲神降於莘之地一爲禹
夏封之國與尹殊無干涉此無他皆自莘字中
求之則鄭州之莘城莘縣之莘亭亦可以
與之相去如此其遠而尹之壽年

於此復辨於彼自亦不足爲怪

天功功... 此竊詳尹生夏末迨今已數千年嵩人世傳如出一口與前所云若合符契及旁稽載籍嵩古伊川地也縣之南有水曰伊卽生於伊上因以爲姓者水之南有澗曰空桑卽伊母所化桑女得子於中者澗之東有溝曰莘樂卽所謂耕莘樂道三使往聘者凡前所載歷歷有徵餘皆無之且其地有尹祠歲時伏臘振古如茲先正胡尚書濬劉憲僉咸詠於詩載於記二公學稱博洽必有的見今偃師西有尹墓與嵩密邇又可見首邱反本古今通義

由是言之伊尹以水爲姓其生其耕必於嵩也明
矣而一統志必備錄之乃史家傳疑常例在人自
當明辨或以湯都亳尹相之陳留乃其畿內首善
之地也當時後世沐其膏澤慕其桑梓好事者以
故居名之亦猶周子濂溪實在營道後居匡廬亦
命其水爲濂溪理或然也抑古人志在四方禮曰
東西南北之人是已尹也或壯而遊老而休曾一
寓之慕寫故鄉之景以慰本源之思亦未可知第
生伊上姓於伊水樂於莘耕惟嵩爲然餘不足論

疑者乃曰吾子之辭以然把實東留皆明而祀之

傳曰大舜生於諸渚是於有夏而海南禎之子
明生於瑯琊寓於南陽而巴蜀祀之兩程生於黃
陂家於伊洛而南安祀之蓋仰其休風思其過化
亦理之常耳凡此類者聖哲皆然何獨至於尹而
疑之疑者又曰尹雖元聖亦人耳人生於桑有諸
曰元鳥降而生商巨跡履而生周在古則然矣故
張子曰天地之始未嘗先有人也人自有而生生
者蓋天地之氣生之也蘇氏亦曰凡物之異於常
物其取天地之氣常多故其生也或異麒麟之生
異於犬羊蛟龍之生異於魚鱉神人之生而異於

入何足怪哉况尹姬於母化爲空桑實非桑之所
生也疑者憮然曰命之矣有客過余草堂偶語及
此因請筆之遂爲之辯

國朝

濟陽當在陳留縣北辯

光武本紀云皇考南頓君初爲濟陽令生光武於
縣舍建武五年復濟陽徃役按二漢地里志俱載
濟陽縣入陳留郡後漢地里志引杜預曰濟陽縣
東南有光武行宮證據彰彰明矣晉志濟陽入陳

留國南宋志南頓縣濟陽令故屬許昌府

南齊志南徐州有南濟陽郡今考城縣後魏志南
司州有濟陽郡領樂平睢陽頓邱齊邱四縣雖各
僑置猶仍其名隨混一宇內濟陽外黃縣並屬濟
陰郡唐汴州陳留郡武德四年以雍邱陳留圍城
襄邑外黃濟陽置杞州貞觀元年州廢省濟陽圍
城外黃以襄邑隸宋州雍邱陳留屬汴州是濟陽
置縣自兩漢晉迄南北朝隋唐俱見於志至貞觀
始省而舊志不載非也今俱照正史增入又按通
志古蹟內陳留故城在今陳留縣北二十里相傳
內有光武行宮則濟陽在今陳留縣北無疑

引

國朝

重修學宮蠲助引

徐

榮

邑人舉人

學校之設先王所爲長育人才之地也三代盛時
田旣井授人得其養乃復建立庠序羣國中之俊
秀而皆聚之於學教之以詩書禮樂習之以飲射
讀法而要以明人倫知大道爲本故其人才成就
莫不知正身齊家之要經國治民之術處有守出
有爲是以名卿碩人皆於學宮是出蓋古者以學
校爲治道之急務而後乃迂視顧不及夫錢穀刑

名新造之化微道德之風遷斯先王設學之志
夫惟識治體知爲政之君子乃能急所先務焉吾
祀學宮創建久矣兵燹之後日就傾圮蒞茲土者
亦嘗有意矣而不果年來頽壞日甚肄習無地
青子矜悠悠我心風詩所以致嘆也邑侯徐公嶽
生三衢禮義之鄉僑沐東魯聖人之化其爲治也
以興起斯文爲已任且憫俗之不古思返其瀾而
還之醇也下車謁先師會諸生於明倫堂聽其講
誦見其堂庶類蕪不治慨然曰是爲興賢育才之
地而可任其傾歆若此哉公之注念於學非一日

矣今歲雨暘未若公奔走羣祠祈禱於天其圖所以養民者蓋宵旦未遑也值

朝拜有所在爨序着爲增修之旨公曰是余之志也夫首捐俸資將興事動工大爲修理昔唐李繁刺虔州修學昌黎稱其知爲政之先後公之謂矣但久廢者難爲力工大者費必廣公之美政盛舉不可無以仰贊其成敢告閩邑凡我同人縉紳多士以及里士好義之家各倡義捐助共勦厥事教化之本風俗之原其關於世教人心者豈細也哉仰

朝廷苟安之意也。然於是又有進焉。是役也。公非特爲輪奐之美。以飾觀聽已也。亦非止望多士以帖括聲律備事進取已也。學問必先人品。藝文復於器識。公之意蓋將以正人心。厚風俗。興禮義。以起教化也。遊斯地者。敦孝友。崇廉讓。化凌競。安恬退。除險譎。歸忠信。高才不驚於紛華。講求性命之理。絕學不入於空虛。盡心回用之實。卽程朱之門戶。入孔孟之堂室。將見彬彬郁郁。質有其文。而道德事功出其中。文文章節義亦出其中矣。上之可以爲聖。爲賢。次亦不失爲善人君子。其所成就長養。雖

與先代比隆可也此又公重修之志願與吾黨共
明之者也若夫聽馨鼓效子來嚮義無窮且將附
公以傳云

重修鄉賢祠引

侯方曾

見前

蓋聞有功德者祀於鄉由地靈則人傑能貽謀者
裕其後實源遠而流長况典制屬

朝廷春秋成禮而駿奔多後裔栝樅興思榱桷宜新
觀瞻當肅吾邑鄉賢祠勲各道德俎豆同光節義
文章精神共聚各一家之模範總萬世之典型邇
來神主頌歆丹青剝落香几朽蠹翠碧塵封草色

苔痕已見燕巢蛛網頽頽敗瓦還憂雨濕風侵
唐虞以來四千年樂高之族或降爲皂隸然宋明
而後七百載王謝之家尙盛比烏衣豈遺慶於後
人共曰祖功宗德竟漠然於先代孰云孝子慈孫
譬之生前杖履顛危忍袖扶持之手衣希垢膩寧
辭浣濯之勞方曾向因與祭之時惻焉動念近於
讀禮之日盍爾傷懷敬告同人共勸盛事減一朝
之饗不過物出篋笥積數日之勤亦可緝來機袖
無分多寡期在慷慨須指日以掃除更刻期而修
葺庶登枝念本爲君子之存心而事死如生實仁

人之用意云

募修冉子祠引

前入

距杞治東北十五里突起一岡廣袤可數頃岡巔

古塚巋然相傳爲冉子塚塚後設有專祠而岡與

里俱以伯牛稱蓋地以人重垂不朽也按家語諸

書冉子魯人也乃葬杞論者每參疑信焉昔季札

葬子於濼博吳人不必葬吳魯人定當葬魯乎夫

先聖名賢雖所遺几杖琴書後儒猶愛惜保護以

寄其景慕仰止之思凡山陬海甸足跡所不經者

莫不朔風中况思東影容若玄豐鬼歸哉之是也

當深刑靡而切瞻依豈可如泛常古蹟考核真腐
紛然聚訟哉故歷來載在祀典每春秋釋菜後例
學博往祭因得數相從事別闕碑文前明邑令苗
公會修葺祠宇蓋萬歷庚辰歲也迨後門廡傾圮
張孝廉興平倡衆修葺歲在康熙庚辰相去百二
十年天時人事蓋有定數云今祠之享堂將壞不
可支欲爲修葺而微官薄俸力不從心敢告同志共
襄厥事夫釋氏老子之徒假福田利益之說猶能
大興土木金碧其宮若以先賢之祠宇聽其頽敗
於荒涼寂寞之墟袖手而不問則縫掖儒生寧不

令緇衣黃冠輩聞而齒冷也耶

重修城隍廟記

長洲蔣慶均

杞邑城隍廟建自明洪武二年因神顯靈江浙諸封顯
佑伯之職命誥至今猶存五百年來屢加葺治悉有碑
記可攷嘉慶二十年間榱榱城圯里人懼無以展誠敬
妥神靈而莫爲之倡紳士孔繼章慨然有興修之謀邑
之人聞其風罔不踴躍樂輸若恐後卽於二十二年丁
丑八月經始迄己卯二月蒞事正殿後宮亭臺門廊庫
藏庠者崇之傾者建之朽者易之泐者葺之剝蝕者塗
茨丹雘之用人之力以工計之凡二千貫一百四十八
千有奇道光四年秋余由朗陵調任下車瞻拜廟貌森

然越二載孔君請爲文以識其事考城隍之祀始興
烏二年由唐逮宋或賜廟號或頒封爵明初則詔封天
下城隍府者公州者侯縣者伯勅郡邑里社各設厲壇
以城隍神主祭春秋二時與風雲雷雨山川同壇並享
謹按

大清通禮直省府州縣各建神祇壇祀雲雨風雷境內
山川城隍之神歲春秋仲月諏吉致祭在城文武各官
皆與其事城隍之祀由來重矣况杞邑保佑生民靈爽
尤著有報有所虔禱輒應則崇構妥侑體制宜隆今以

煥乎以仰體我

國家務民敬神之意以下遂我士庶事神如在之誠急
公好善如孔君者誠無愧於聖人之後矣爰紀歲月勩
諸石用告來者備覽稽焉

杞縣新建義學記

長沙蔣慶均

國家設學造士餼廩以勸之冠服以榮之師儒以董之三年大比以升進之所在羣邑博士弟子宮牆無濟窮乎盛矣顧秀民年十五以上操觚學藝文歷郡邑試以達學使者程其藝可書乃入於學其初之蒙非賴有賢父兄知所嚮慕歸往而逸其志哉至於孤貧弱穉衣食之不贍奚暇驅而之善故往往流移失業其甘自暴棄者習於非僻其馴謹有志者亦欲從而末由此尤可憐惕惻隱者也雖然天地之憾而堯舜之病卽世族子弟有不能保其數世而後無失教者而況編戶之衆乎余

於甲申秋由確山調任杞邑屆歲科試及書院月課樂與諸生論文亶亶不倦今歲承大吏意捐俸建設義學邑之紳士急公而好義者相助爲理俾得蕙事夫今之義學卽古之小學也學無大小而特謂之小學者亦以人之近而習之遠也必從孩提稍長良知良能中自然愛敬一點真心培養擴充無有放逸然後日引月長融會貫徹迄於行而著習而察則格致誠正修齊治平之道無不周條共貫程子曰自灑掃應對可以至聖人朱子亦曰小學者學其事大學者學其小學之事之所

俗治最近古小子有造天性未泯將離經致志爭自濯磨升之庠序舉於鄉而貢於

朝以副

聖天子作人雅化暨大吏栽培寒畯之至意余有厚望於諸生也抑均之六世祖憲副公爲前明名宦宰上蔡日興崇學校葺謝良佐先生祠設義學其中五世從祖公美公之良爲經師人皆向道有葛守誠者智勇兼備以忠義爲一代人物義學可勿重哉均願與諸生互勉之

嘗攷一統志先賢冉子伯牛墓在廣平永年縣西五十里又云在泰安東平州又云在滕縣南三里伯冢社其說不一今杞邑東北二里冉賢岡則爲伯牛墓又志乘可據者墓後舊有祠歷經邑中張氏偕同人錫賞修理茲於道光三年張生九晚承父式楷遺志偕陳生家玉等重葺椽桷煥然松楸葱鬱工成乞記於余聖門四科德行爲首冉子亞顏閔而冠諸子宋高宗爲之贊曰德以充性行以操身二事在躬日躋而新並驅賢科德顏與鄰不幸斯疾掄也真伸夫自古聖賢豪傑往往造物

蹇齋其遇以抑鬱其身甚至蹇齋之不已而復加以疾
病後之人過其墓而整衣冠謁其祠而肅拜跪其靈爽
式憑常在人間則生前之蹇齋與疾病何關毫末哉接
冉子於唐開元八年從祀孔廟自是以後贈鄆侯東平
公鄆公至明嘉靖九年改稱先賢冉子四海之內學校
如林俎豆徧天下矣而窳窳之孔固魂魄之所歸自不
同於天下之享祀者余籍隸蘇州時登虞山言子墓綱
想弦歌遺化低徊不能去張生九疇之志猶余之志也
乾隆中余伯父恪庭公諱希宗由祥符令海鹽彰德歸

德郡守凡直馬所歷能賢則墓頤有直家其水陸之墓

曰冉賢國同冉增村地以人傳才不朽授冉增村在
縣東北爲冉子雍墓又稽古之士所當攷證者而伯牛
一作百牛則見於白水倉頡碑云

自古掩骼埋骸爲王政之本居官居鄉宜時存惻怛之心俾存者歿者咸得其所也查杞邑普提轄中西間有三十年前寄放一棺據土人云係前上蔡典史姓名無考某年正月初七日歿於西關外旅店者店屢易主今已歇閉然典史之說究未知確否也又南關內尼替中一棺係前任陳留署杞縣山東人施明府廷炯之外姑陸門王氏被火沿害者又有杞邑典史天津人沈少尹名岐之妻弟鄧賢一棺亦久而未厝者余心傷之於己並鵬月二十二日在杞邑西關外覓地安葬其在東首

爲典史某公及鄧姓之穴其在西首爲陸門王氏之穴
惟願後之宰斯土者每歲春秋設祭以安魂魄春於清
明簪前後秋於霜降節前後則此舉可久而勿替矣爰
勒碑冢前揭紙存案并載入縣志以垂永遠余有孫女
壽椿幼殤卽附葬西首焉

壽椿生於己丑五月十八日
未時殤於庚寅二月初六日

時殤

是地捐蕪向茶菴住持購得附記

和縣志卷之二十三

藝文志三 詩歌

唐

題雍邱崔明府丹竈

李白 太白

美人爲政本忘機，服藥求丹事不違。
葉縣已泥丹竈畢，瀛州當伴赤松歸。
洗師有訣神將助，大聖無心火自飛。
九轉丹能生羽翼，雙鳧忽去竟何依。

詠蔡邕墓

溫庭筠 飛卿

古墳零落野花春，聞說中郎有後身。
今日愛才非昔比，枉拋心力作詞人。

清涼寺

前人

石路無塵竹徑開
昔年曾伴戴顓來
窻間半偈堪
鐘後松下殘棋送客回
簾向玉峯藏
夜雪砌因藍
水長秋苔白
蓮社裏如相問
為說遊人是姓雷

宋

使北過伊尹墓

范成大 石湖

三尺黃墟直棘邊
此心終古享皇天
汲書狼迹流
傳妄剖擊絕無咎單篇

冬日下都之雍邱

李希聲

闌喧喧柳榆外客子待明發楚梅與吳檣鳴榔五
嘔軋故園萬里間一水難可越夕陽滿波濤高城
始明滅忽忽見親友草草叙離別老槐早辭風小
沼水欲結舊居如逆旅短夢亦騷屑明朝望太微
瘦馬踏殘月

雍邱懷古

前人

雍邱西風鼓戰塵令狐抵死撓張巡面當六矢無
降色驚訝雷公是木人

明

雍邱懷古

劉

咸

參和
人

夏禮微茫不可徵，
邳州雨對箕城稀。
言重世懷江統長，
指封侯羨酈生。
范釜生魚誠美事，
董宣卧虎最馳名。
傷心惟有隋堤柳，
長與離人結別情。

過酈商墓

高信
人 柳陽

杞國西南地一邱，
景侯昔日此封侯。
分茅胙土當時事，
斷獸殘碑終古留。
扶漢漫言忠貫日，
擊陳猶想氣橫秋。
功成最恨兄先死，
長使英雄淚暗流。

黃河晚眺

孫賢
邑人

隔向河邊步晚晴，
落霞殘照耿波明。
客舟繫纜依村宿，
漁艇歸家傍岸行。
林外鶉鳴烟樹暝，
沙頭

落水痕平興來覽遍盤桓久不覺銀蟾海外升

雍邱觀音寺

周

庠

奉化人

方外招提境清幽遠市廛黃金曾布地紺宇欲叅
天鳥啄齋僧飯魚吞洗鉢泉何由來卜築皓首共
逃禪

史烈女並序

李夢陽

督學副使

史烈女者杞史氏之女也未嫁而死其夫是踰禮
守信而成仁者也李子曰史氏女有激俗之功焉
於是乎述 梨花如雪霜鴛鴦不成雙我心明如
鏡我心清似水鏡明有塵時水覆無收理古昔華

山巖行人下馬拜春風
兩蛺蝶綠草搖衣帶

輓林節婦

楊本仁 見前

十九年前事餘生懸至今
河山無二氣天地鑒重
襟未了存孤意誰知不死心
若將臨訣語翻作女

中箴

東莊

大梁李夢陽見舒華
此詩卽命駕夜訪之

黃舒華 邑人

東莊亦不遠日日騎驢來
七月無雷雨
中田有草
萊我非忘世士誰是濟時才
寂寞西風裏奔馳空

自哀

古廡空桑中黃沙駟晚風隱耕高帝道放主見精
忠一磬寂塵土孤松覆敝宮翻然三聘志千載武
侯同

撫辰樓

曠 卜見前

雍邱有名樓經始朱侯造心畫有先規子來無後
召一念天所相百費人弗憂築固輕鰲舉構密出
松杪崢嶸聳孤危玲瓏洞虛沓綺窓霞石爛飛棟
游龍矯仰瞭擬捫天俯察延廣邈隱隱太室峯微
微河汴道賞辰集賦流撫景據懷抱川原起夏思
城郭生元弔君子作有益匪徒供臨眺四民稟動

息鼓鐘戒昏曉四時審祲祥一覽坤儀小

空桑

前人

空桑元聖廟遠近有莘城靈母何年化孤村萬代
名衣冠商后制畝畝野人耕殘碑宋皇贊五就爲
蒼生

圍故墟

前人

亂世名爲崇空城夏蔡傷蒼皇走隆慮流涕赴明
光絕史人餘悵深山世其亡淒涼祠古廟猶自祀

中郎

城郭黃河道人炬魚驚居久遺舍人姓猶說孝道
廬水息違時難泥蟠避薦書賢哉先幾士長拭淚
干聞

和寓目殘塔作用韻

徐自得 邑人

塔並崔嵬自昔盤年來懸偈半凋闌翔空慧鳥時
時下過雨靈苔點點攢總爲三生涉苦海長留雙
影落經壇當年二郎飛錫去徒掛白雲映紫鑿

過鄭生墓

徐鳴鶴 邑人

長裾大袖老儒生古木千秋尙有名自謁高陽開
漢主寧辭湯鼎下齊城隴頭殘穴狐穿遍碑上殘

文鳥篆成攬轡周行踏往蹟夕陽衰柳不勝情

送徐雲臯按宣大

閻 立 邑人

皇華簡命自天來別酒論交數舉杯
土谷風霜臆去馬雁門晴日好登臺
深慚鎖鑰逃名吏爭羨邊疆濟世才
烽火不驚關塞靖太平書奏慰三台

吳大叅過杞不得見悵然有懷

黃 鶴 見前

傳道高軒此更過無由把袂意如何
懸懃花下虛尊酒寂寞村中冷
薜蘿楚客同誰發興劇杞人空
自抱憂多還時可許終成會
攜手荒園一放歌

春光三月景晴暉
百尺樓臺近翠微
花遲河陽香
細細薰風一動滿
寒檝

高陽晚渡

前人

滾滾黃河天上來
一舟晚放夕陽隈
中流欲渡秋風迥
萬頃金鱗潑照開

雙塔秋風

前人

古寺山深好掛冠
紅塵滿眼靜中看
秋風一夜葉如掃
獨有浮屠幾耐寒

圍城夜月

前人

誰磨金鏡掛中天
皎皎清光百里懸
砧杵幾聲侵

客夢月明滿地一魚船

南溪流雲

前人

溪水城頭宛若蟻一灣風送白雲寒川流不改雍
邱色廻繞高岡碧玉闌

河橋官柳

前人

橋頭柳色細如絲散漫征津綰別離岐路難逢青
眼盼一枝謾折使人悲

玉帳

馬應龍

安邱人

漢高曾駐蹕陳跡已墟哉遙憐東郭外猶有野花

白羊城

前人

昔爲水國區今見桑麻長醉來卧北窗疑是羲皇
上

神井

前人

寒泉今已涸我心徒惻惻何時湧祥雲甘露遍四
國

萬人聚

前人

渺渺烽火地茫茫秋草間孤魂共片月夜夜繞關
山

康王陂

前人

康王攬馬日虜騎已薄城自從南渡去無復玉珂
鳴

三岔口

前人

古渡三岔口浮雲幾變遷可憐爭楫處斜日照桑
田

女貞篇

為趙烈婦賦

何喬遠

晉江人

階前一蘭葉井上雙桐枝當君合歡日是妾明心
時一朝襲元夜微心良不欺窈窕赴尺帛紅顏棄
若遺始知女貞樹不受惡風吹咄彼王孫女千載

輓趙烈婦

邊帥男

彤管新標烈柏舟
舊矢音彌留無食路
生死竟同心蒿里埋
珠橫闔閭罷玉簪
貞魂應不泯猶恨九
泉深

隱園二首

趙彥復

邑人

薤園重結字銷暑
複爲檐所愛身名寂
非關吏隱兼雜花深
掩逕馴鳥靜窺簾不
必崇邱壑從教歲
月淹敢謂官曹冷長
豐願不違據梧銷簿
牘散帙對林霏留客
青精餽題詩白練衣
相逢稀二仲時亦欵
荆扉

冉祠遇雨

前人

烟霏漠漠草芊芊二月崇岡春可憐
遠岫迷雲石是筍平疇近水蘚如錢
一泓濠上來莊叟片萼林間拜米顛
遮莫聽鷗閑不厭雙柑斗酒若爲緣

園居

前人

三徑蓬蒿靜掩門高眠清晝亦君恩
不緣牢落隨閒局那得逍遙號隱園
散髮林端風浙瀝疏泉松下月黃昏
平生邱壑存吾志何必長開北海尊

白禱行並序

孟紹虞見前

戊寅七月望日杞有土寇竊發暗結城中無賴子

弟爲內應其謀預洩當事嚴防不得動旋就殄滅
然亦岌岌乎殆矣漫爲韻語紀其事以爲後來者
考鏡云白檜者賊以白布約胸其標識也 崇正

戊寅斗建申月輪湛滿照城闈寇氣捨攘靡有定
荒原曠晦鬱青燈冷氣干薄災狎至蝗飛蔽天蛛
匝地禾黍蕪蕪供一餐炎炎烈烈誰秉畀野空無
計覓嗷嗷老穉填壑黠走險更有邪流相鼓煽鄉
邨男婦如狂魔羣奉癡兒十八子爭迎莽坐隨斗
徙狡魁編戶書姓名詐言有名得不死弦木爲弓
布爲帶暗向城中結無賴斬關期在烽舉時那知

計洩空狼狽蘇君智畧壯金鏞笑譚制變何雍容
羣兇緼火未及然早有健兒摧其鋒市廛巖飭亂
無梯郊關燔燧動征鼙城上鯨鯢方鼓鬣神君指
點如縛鷄巨礮連轟霹靂吼當者僵仆聞者走拋
戈裂脅就長纒纍纍牽曳如羣狗巨梃折脛如拉
腐首懸藁街血殷土就中邱子怒生嗔細切心肝
糜鼎釜鼠子輒敢逆天作裂幅謬嘗摧神兵試看
垣東枕籍者低眉至死一無聲無聲有恨恨如何
恨爲隨聲浪死歌從茲惡懲善有恃使君應開一
面羅自古明王守四彙底事赤子供刃割不爲困

窮學有此詞劍本中瘡痍

雍邱蹋燈詞三首

侯應瑜

邑人

高下明燈萬顆圓
銀花火樹上薰天
太平不禁豐
年樂
潦到街頭醉未還

君心玉燭自光明
照徹千家不夜城
簫鼓喧闐人
語亂
銀河清淺月斜橫

幻景從來似蜃樓
燈光達旦一齊收
東皇不駐人
間世忽漫西風又到秋

聞黃河泛東及杞

劉理順

見前

馮夷忽震怒
巨浸上稽天
一望禾麻失
羣喧舟楫

顛梁園迷故道杞國漫平川戎馬驚頻至何堪陸
地淵

南河再寇

前人

河水滔滔白晝昏
猫頭決岸向西吞
巖城惟見拆
鈴擾古刹不聞鐘
鼓喧數載瘡痍方
飲淚今朝毛
骨盡焦痕
中原厄運何時了
淪喪空將卅九關

晨起莊漫興

莊在杞南

馬之馳

邑人

晨興莊上種花仙
遊戲乾坤七十年
阮嘯大都來
酒後陶詩多半在
籬邊
秦地與天同一醉
漢官如

夢馬生前明來古刹看燈火忘却家園幾變遷

謝范丹

驅車返故里行近史雲居斯人雖已任遺風被吾
廬世遠沒高踪誰復憑其墟鄰曲笑塵釜吾行恐
不如

詠祖述

前人

建旄雍邱地祖生事國難鷄聲何愴涼中夜舞江
畔矯矯志士懷皇皇勲業爛誰令事不終千秋發
長歎

詠申屠蟠

前人

峻譽非世寶降志師申屠子治毀令儀隱文戒豐

孤哲人出吾里風雨苑相呼俯仰終天地歌笑慰
妻孥田父時相命東臯酒半壺

春日有懷長安之作

何印光 邑人

春陰迢遞接燕山漢將功高片石間爲問勒名銅
柱上幾人生度玉門關雲浮壁壘閑軍令天掃櫂
槍霽聖顏悔不從君學擊劍詩書空誤鬢毛斑

伊尹祠 伊陟配享

前人

隋隄千里抱沙洲伊相祠前野水流破屋從無新
俎豆荒庭惟見舊弓裘謀籌常顧興王日淚灑丁

壬定策秋蜀拜冠裳來此地綠楊橋畔重維舟

遊馬人表暑國沙韻

孟阿驥

此日登元圃悠然望遠峯石蟠棲霧豹樹掛縹緲
龍傍水幾層崖臨風一帶松興酣不覺晚歸路已
闕鐘

冬夜飲敬常姪迥齋漫成

耿天眷

邑人

肺腑情親五十年短檠相對各皤然貧甘到骨謀
生拙熟不因人取志堅猛試酒緣多病畏鷄鳴宵
爲劇歡延暫時懷抱成踈放醉曉霜梅凍蘂前

玉帳

聶助明

邑人

隆準齋眠處空留玉帳名至今枝上烏猶叫漢時

更

守汴東郡

蘇莊

列幟巖城兵氣圍
急風鴻雁帶沙飛
汴東豈係重關地
天北嘗懷不戰威
文獻猶存禮作櫓
武人何用鐵爲衣
憑高凝望獨翹首
河外晴雲是帝畿

國朝

劉文烈公輓歌

江禹緒

見前

榮生哀死惟今日
地老天荒已十年
公道九原應不泯
交情萬古各相憐
君歸黃土身仍在
我立青

山淚未乾肥酒難饒
心上恨橫天風雪亦凄然

七步謁陳思王祠

馬頌

地有陳王跡猶傳七步祠文章藏智勇歌笑盡艱危日瘦寒松頂霜殘老杏枝鷄豚秋社事老父尙能知

過酈生塚

李光祚

邑人

閒過高陽道茫茫弔古愁下齊憑寸舌埋骨尙遺邱碑斷螭龍卧庭荒麋鹿遊淮陰功亦棄何似老松楸

思母詩并序

閻篤古

邑人

崇正之十五年慈氏殉難僑墓七日而奔河朔匡

城祭號望南天是爲一周二載始渡河南躬奠
荒村及再遊中原服闋之日身在汝南也今四周
又客江州設位哭於能仁寺天忍此極哉聲咽爲
詩 顛沛無刻木僦龕如母在舊朝貞烈魂名羞
大吏賣截身謝歌利長依西方拜慈顏亦何傷髮
僧落世敗羅刹黑風吹年年如戍塞親骨委中土
漆身萬里界嬰母識事前慷膽行以耐老成者云
亡輕使子遺壞竒劫橫中原瓊尾生亦再大士并
聞言何日洒沆瀣

相傳王氏女遺塚在荒村歲久失年甲林深叢嶺
猿寒風淒翠帶明月泛幽魂欲問當時事沉沉野
霧昏

空桑伊尹廟

秦維垣 邑人

先聖祠留石榻蹤庭前老樹走虬龍不因三聘來
猷畝寧以一身薄鼎鐘訓格湯孫嚴北面輦來宋
帝告東封移松易社經千祀俎豆時陳在野農
自杞至汴州

楊思聖 鉅鹿人

草木萎黃隴麥枯空村炊冷晝啼烏徵兵頻見軍
符下催賦如聞怒吏呼破壁殘僧依廢寺荒阡野

犢散平蕪躡踏徒切憂時策涕淚何人爲繪圖

雍邱臬署

馬紹曾

紹興人

一從雙塔聽河聲千里猶傳杞國名伊尹祠邊留
野草伯牛岡上望荒城已知開府懷江統未許封
侯謝廓生回首汴京春色早隋隄梁苑不勝情

至雍邱作二首

沈 荃

華亭人

野寺鐘聲動明河曙色寒輕裝戒徒旅短褐上征
鞍戍古啼鴉亂林空落葉乾欲將行路曲悽切向
君彈 皎皎霜花白靡靡道路長孤城上寒旭匹

鳴渡層岡無刻心猶壯聞鶴舞欲狂我懷琨與遼

未忍學求洋

鄺生墓

周斯盛 鄞縣人

羣力徒思共滅秦誰知衣褐有經綸軍門忽露狂
生態床上驚看長者身故里侯嬴真壯士他時紀
信亦完人男兒要是輕生者隴外洪河氣自春

己巳嘉平祀竈了飲福柿葉樓東周岷公時寓侯
筠莊孝則宅

耿念劬 邑人

餒餘取醉最高樓百歲歡情老未休稚子博沙矜
綵勝紅兒敲燭笑藏鈎人憐無用多青眼天放不
才到白頭遙憶濂溪依玉樹林烏櫪馬待淹留

贈脩志諸君

侯元棐

邑人內閣中書

羣賢畢集應星躔彩筆拈來大似椽往矣董狐光
玉牒休哉班馬耀金編須知憂樂貞淫事詎作風
雲月露篇

天子重文尤重史常留直道在千年

瓦塚村居二首

前八

東婁之野大河干水淺沙肥土易安曠寄一身何
所賴倘來萬狀總無端鳴蜩傍柳聲聲急乳燕依
巢去去難悵望登樓空日暮人生何地可爲歡

開理詩成漫興多青裳日日盼庭柯高堂時愛班

衣舞稚子歡聽踏臂歌幽趣自成棋局迥清樽
共野人過謁來坐待溪邊月涼影其如露氣何

陪徐明府謁冉子祠

侯辰棗

邑人

夾路春風擁畫輪百年祀典快方新敬陳俎豆馨
香遠遙肅衣冠禮數頻芳草隨車霑雨露御屏倚
馬仰絲綸公門明日繁桃李臯比詞壇好問津

隋隄柳

王典

仁和人

大隄臨古道衰柳掛斜暉歲歲東風綠知應拂舞
衣

玉帳

徐開錫

常山人

仗義西征日王師玉帳開晴雲生沛碭時有大風
來

康王陂

前人

泥馬渡江日中原棄若遺如何經過處尙有康王
陂

隋隄柳

前人

汴河今已堙何況隋隄柳騷人尋古蹟憑弔空
回首

酈生塚

張開宗 邑人

槍身長者旋七鼎鑲身當日從龍誰國士後來誰
客絕傳人却憐杯土悲風雨歲歲芳流草木春

桃溪

徐九章

邑人

君子懷幽致村中別有天小堂收野色踈逕繞荒
炬飯煮霜前粟衣裁雨後蓮漁翁如未去同醉白
雲邊

九日初晴杞城登望

耿 佖

邑人

新晴鳥亂呼爽氣滿平蕪霧積花深淺雲橫雁有
無避人耽嘯詠從俗佩茱萸不盡登臨幸還尋舊
酒徒

春日過二廳祠二首

何燹光

邑人

草昧紆籌策音哉此布衣漢皇非慢客
鄙叟故知幾樹老龍鱗暗碑殘鳥篆微
齊城遺恨在暮雨杜鵑飛
舊跡風雲會功成異死生共驅秦鹿走未
許呂鷄鳴伏臘居人事蘋蘩過客情
停車時借問日晚聽松聲

行經玉帳

前人

柳繞長河水面齊行人恰溯水邊隄
穴龍不駐金符杳獨鳥偏尋玉帳啼
漢碣雨餘荒草合秦雲風

卷之三

劉烈女墓

當時巾幗表遺文走馬河橋見古墳應是彩雲並
蕭史不同青塚吊明君金隄水淺魚龍沒玉女祠
荒草樹芬惟有楊花日暮起滿天吹落白紛紛

劉文烈公祠落成

侯暉盛 邑人

榮枯代謝無停住日月運行經幾度河漢茫茫日
東流逝者不回新者故獨有忠孝之精誠滄桑歷
盡常如生君不見勝國河山一朝裂男兒幾箇能完
節卓哉劉公秉大義一笑投繯老天地慷慨傳來
絕命詞闔門殉難同一時

與朝易名重唐史從此高高與並峙獨無專祠薦蒸
嘗農夫牧子皆心傷三衢仙令始鳩功魏然棖楠
鬱嵯峨森森松柏樹成列淙淙露滴貞臣血往來
展拜莫等閒須滌肝腸似冰雪

高氏殉節輓章

前人

君不見日星河岳光如此力負綱常幾男子乾坤
大義屬偉人不在軒冕在簪珥劉家有婦高生兒
鐵骨冰心栢舟矢十九殉夫歸九泉留得休聲著
青史奇哉乃姑先立標至今萬口喧吾杞丙午年

維新元年正月六日還同紀字宙茫茫寒暑催請

將貞烈一冊指

楚烈婦張氏輓詩

前八

世被脂韋化孰如貞婦賢
可憐捐綠鬢含笑入黃泉
泉勁節鬚眉少芳名粉黛傳
招魂何處所終古望蒼天

劉文烈公祠

徐九畹 邑人

君思國難兩相尋一死寧酬報
稱心淚洒西京天地老魂依北
闕日星沉祠前翠草連秋色
幕上白雲依夕陰茂宰褒忠留
勝蹟從教樵牧淚沾襟

學宮

徐九章 見前

本界元
卷之三
其
茂草空嗟幾度秋
文翁振起近無儔
騰光畫角龍蛇動
氣鬪雕簷日月浮
一代馨香新俎豆
四時風雨老松楸
醴泉故爲神明出
獻賦欣沾大澤流

東婁公祠

前人

青史猶傳杞子宮
可憐蕭索對西風
簷棲燕雀蒸嘗廢
門繞荆榛禱祀空
不有神君能舉墜
寧知盛世重褒功
煥然飛棟連雲起
恍憶當年舊剪桐

題重修觀音寺壁

前人

十年烽火舊花宮
金界重開寶殿雄
祇樹風搖秋
蕭裏僧房人老磬
聲中碑存鼎
嶺千年古鏡傳疏

萬象空繫馬禪門徒竝立擬將生滅問休公

奎樓落成

孟宏秩

見前

地缺東南四十秋文星熠熠掛城頭飛來何處孤
峯秀俯首雄圖百雉悠芳躅遙聯承大宋才人近
出嗣髯劉詩書美報從今盛奪錦年年在杞州

過酈生祠

前人

寬袍大袖老儒生胸次能藏百萬兵自有謀猷消
戰伐非關口舌得功名酒徒俎豆高陽里偉績崢
嶸歷下城料得淮陰逢地下幾時幽憤得和平

謁元聖祠

侯運昌

敬章
邑人

風慘黃雲物候驚空桑古路不勝情乘時直變唐
虞例樂道仍傳堯舜名春夢悠悠誰在覺野田濯
濯少躬耕腐儒自分塵埃老一拜荒祠百感生

同周斐弔江淹墓

前人

江淹富文藻望古結思深惜哉歷亂朝衆口甚鏗
金賦成恨與別生死何傷心悽悽獄中書涕泗霑
衣襟一去千餘年荆棘生古墓土碧草芽青東風
吹老樹攜朋共閱尋慷慨悲其遇村劇奏嘈雜新
禪鑄謬誤毋乃塚中人冷然喞而怒

嚴霜薄高曼西風淡秋水烈婦殉其夫貞潔乃郊
此事夫甫二年生離隔千里凶聞一朝傳血淚不
可洗兩旬覩旋歸靈前拚一死焉知觸嚴禁獨抱
偷生恥時禁殉節令人念綱常感慨何時已

瓦塚舊舍

前人

雪裏辭荒苑春來便不同籬斜蛛網密室鎖燕巢
空芳草連疎砌殘花墜晚風北園新筍出攜酒待
衰翁

輓戚氏殉節

馬郡邑人

捐生便了更何論羨爾殉夫意獨真廿載百從惟

奉主當時一決不謀人

隋隄

蘇爾翼

見前

隋皇曾此駐龍舟
錦纜牙檣滿御溝
一去江都成
結局茫茫陳迹總堪愁

謁禹廟

前人

禹廟箕城裏
瑯楹閱歲華
庭荒人跡少
樹老蔓烟斜
八載功成遠
千年報祀賒
司香何處是
日暮但
棲鴉

過東婁公廟

前人

遠遺明德祀
初封金碧輝
煌繪舊容
累葉遺徽存

廢苑闕殘文獻想前踪稱藩東國聲名在備洛西
周禮樂重千載禹功河洛近豈緣代遠罷鐘鏞

巴河涯

前人

巴河古渡莽平沙一望蒼茫未有涯崩岸浮烟生
積翠斷橋落日閃晴霞黃流十里方騰浪仙客千
年尚泛槎陵谷變遷無定蹟臨風回憶漫長嗟

蔡邕斷碑

前人

斷碑留東漢行人看道傍顛飛蚪蚪幻篆古墨痕
蒼片碣留遺蹟千秋重愍章遺才真曠世回首想

中郎

長樓春霽

前人

琴堂閑寂依高樓此日登臨宿雨收
遠翠搖春風細細遙天一色彩雲流

西岡挺翠

前人

西天嵐氣挂岡腰隔岸烟深結小橋
遙聽笛聲人不見孤松盤鬱入雲霄

高陽晚渡

前人

日落高陽古渡頭碧天冉冉暮雲收
行人倉卒招舟子欸乃一聲帶月流

白雲深處阿衡宅，烟雨茫茫野望長。此日蝸廬猶積翠，當年人自說空桑。

遊高陽里

閻爾梅

四野紅霞牧笛愁，北風蹈厲捲河流。高陽里在無人醉，廣武墳凋幾樹秋。作客長眠蘆絮榻，尋僧閒坐菊花樓。田家不解神何氏，操一豚蹄祝滿篝。

過酈生祠

侯運隆

邑人

世人競成敗，賢豪多錯迂。榮名浩氣存，庸庸易朽腐。秦鹿忽已失，逐者紛難數。大風天際起，宇宙分今古。漢高嫚罵不自豪，酒徒狂態堪相伍。赤手東

行下全齊提兵百萬空勞苦天心未厭殺戮厄大
功既敗身亦滅儀容古貌丹青落千秋大恨憑誰
說

題如意閣二首

前人

老樹葉飛盡枝高鳥卧閒登臨有幽意亂寫白雲
間 載酒尋僧舍題詩上寺樓乾坤渾在眼名利
不關愁

邑侯牛公輿頌

孟

黹

陟公
邑人

茂宰行春孰與同冰操不媿古人風每將物力還
民社儘有襟懷記櫻桐方在懸鷺留單艾有期詩

節止文翁由來天意孚人意好藝名香禮碧空

重修東婁公廟

劉咸 邑人

帝胄荒祠一望空秋原落日暗祠宮元圭不改河
山色白馬猶傳劍佩風畫楠參差孤照外雕簷縹
繞亂雲中芳踪自是留青史珥筆何能紀峻功

秋日謁冉賢祠

前人

偶過先賢里登堂拜古墳樹縈霜黛色堦縹雨苔
紋迎曙尋殘榻臨風薦野芹牧人呼姓字千載荷
斯文

王節婦歌

侯方曾 見前

西風十月霜掠樹葉辭故枝失依附獨有文烈栢

森森

文烈劉公祠

銅柯石根無回護千尺黛色炳日星

瞻拜祠下心瞿瞿由來此地重節烈落落英風人

爭慕于今正氣鍾汝聞曹家閨秀分寶婺十四嫁

作王郎婦王郎一旦先朝露可憐未解嫁時裳

孰女兒着衰素雉頸仰鳩一何難垂白孀姑憑誰

顧香未經合矢終身襁祿嗣兒相朝暮家難方殷

山川破沉綿寇賊懼摧挫舊時門第長荆榛堂上

菽水親操作嗟彼懷中物早殤孤墳無復望蒸嘗

鵲血懷腸苦枝梧却將色養慰高堂雖云健婦實

弱女不似尋常稱未亡君不見文烈千秋季大名
但與心安覺身輕節婦何意慕襄烈一生苦操由
真誠代間不少逃名者輕燭復見理簪纓血性却
教屬女子愧殺人間假性情

過酈生塚

前人

酩酊狂歌爲避秦酒徒端不計青綸齊城纔吐英
雄氣雲夢難償鼎鏤身嫚罵誰云真好客儒冠自
薦愧狗人孤兒雖博通侯印輪却高陽醉裏春

過匡善人墓

前人

塚卧麒麟盡野蒿旅墳獨傍古堤高卽埋嬴博還

多事必近要離亦欠豪屢散千金聊作戲擬成一

傳未能褒

曾為作傳

子然四海無家室更覺廻文累竇

滔

過酈生祠

侯京曾

邑人

中夜母哭白帝子鑄池壁返祖龍死狐鳴叢祠羸
祚亡戎徒一呼羣雄起沐猴不入狂生眼沸騰醉
卧高陽里隆準軍威正未張酒徒物色心偏喜長
揖帳下號長者嫚罵猶將腐儒視陡然開口露舌
鋒急起相迎為輟洗投合便自建奇功指揮天下

如掌裏七十二城垂手下三寸舌在無亡矢火將

但欲假王齊拚令狂生鼎中委天道好還走狗烹
鍾室禍慘功亦毀故鄉祠廟二千載歲時伏臘薦
香旨我來濁酒酬遺像捲地朔風吼不止

監修城垣

侯如曾 邑人

閉戶常深仲蔚蒿愧承監築敢辭勞城頭炎日侵
雙鬢陌上狂風捲二毛智短那堪籌會計才疎祇
恐誤分毫祇緣明府垂青眼勉把儒冠效掾曹

謁劉文烈公祠

郭遇熙

甲戌臚傳第一人恰逢甲戌拜孤臣一門妻妾隨
君逝三世知交獨我親湘竹移來班淚濕杜鵑啼

去血痕新先生自許文丞相高節齊傷萬古神

大風晚至杞縣訪李明府不值

查慎行

秀水人
初白

沙土晚濛濛孤城萬木中氣吞平野日聲壯渡河
風結伴隨陽鳥離程極轉蓬不須煩地主旅食報
年豐

謁劉文烈公祠

李牧

昔年文武亦多人夏后遺封有蓋臣慷慨捐身偕
主僕從容就義謝君親文章不朽山河重事業永
傳日月新笑彼貪生苟祿者實同腐草與微塵

隋隄懷古

為憶當年揚帝遊三千歌舞下揚州

爲憶當年煬帝遊三千歌舞下揚州彩花縹緲濃
還淡螢火熠煌放復收兩岸綠楊夾輦道一灣清
水泛龍舟於今老樹寒鴉噪日暮隄邊動客愁

題酈生祠三首

前入

天下嗷嗷怨祖龍牢騷都付酒盃中誰知白髮六
旬叟獨抱奇謀獻沛公

粟據敖倉塞險隘漢家勝着在於茲當年不聽先
生語劉項雌雄未可知

燕趙紛紛取次平強鄰田廣未行成舌尖微動全
齊下一死何辭鼎鑊烹

劉文烈公祠

侯中毓

人岳邑人

殉國何慙是狀頭至今俎豆歷春秋
一腔血性扶
衰季半世雄文占上流魂魄滿門依故主鬚眉千
載壯神州
夕陽棟宇留殘照無限寒烟草際浮

輓蔣烈婦

前人

古祀名臣齋高陽烈女傳三生遭不幸一死志能
堅大節垂今古淵源繼後先誼關中表切詩就淚
難乾

遊大有庄

侯千爵

人岳邑人

為憶山村續舊遊
林塘拍岸碧
危甍留架藏書
奕奕初

連屋手植垂楊漸隱樓丹桂新登三樹子黃花初
放一籬秋風光不減親情在故我而今雪滿頭

遊瓦塚庄

前人

遙望擬盤數里賒杖藜徐步到山家朝留東舍嘗
村酒晚過西鄰看菊花爲圃爲農新事業學詩學
禮舊生涯素風猶在者英謝冷落門前問字車

秋夜登圍城

陶名世

邑人

樹杪高臺受月多秋光滿目接銀河酒酣一覺苦
陰卧風影依人淡薜蘿

義士祠落成敬賦

陳紹淳

邑人

義田祇念拯寒士

聖世恩垂隔代臣瞻拜倍思先世澤從茲俎豆逐時

新

雍邱紀勝

李岱生

江南人

俗挽巽陵還太古人敦禮讓沐醇風辰樓縹緲晴
光靄雙塔參差淑氣通四野桑麻歌大有萬年樂
利荷元功曾孫欲溯西成慶幕府思深汴水東

謁元聖祠

王

湄

浙江人

瞻拜崇祠下杉松冷碧甃訓謨垂宇宙俎豆享春
秋桐放忠能見空桑跡尙留徘徊憑弔久煙鳥暮

啾啾

同劉旣白遊普濟菴

王元壽

邑人

攜手東林訪惠休
鐘魚聲裏一登樓
千峯夕送花宮雨
五月涼生竹院秋
地向紅塵開淨土
人從白社結良遊
當時惟有柴桑客
三笑溪名此日留

九日登撫辰樓

王

典

人和人

庭梧岸柳結高秋
夕露晨風散隴頭
自有鶯花宜對酒
莫辜佳日且登樓
雁鴻嘹唳風霜迥
城郭蒼茫砧杵愁
徙倚欄杆還極目
江陵湖水共悠悠

劉文烈公祠

王

勉

蘭陽人

文烈真能報主恩，成仁取義動乾坤。中朝不負明
天子，羣盜還悲老狀元。六事陳書光史策，百年
士泣忠魂丹心碧血，滄難盡袍笏於今有淚痕。

寄題雍邱侯氏西園

陳

浩

未齋
景人

未識幽棲處，高懷已久知。清陰低覆檻，細溜曲通
池。種秫成佳釀，留賓賦小詩。經過當有便，好待菊
黃時。

戊戌秋月撫杞恤災感懷

康基由

茂園
太原人

眼底川原異，陸程換水程。井閭還宛在，雞犬不聞
聲。賑貸煎銀米，呻吟半死生。蒼天旬苦比，吏戾心

如醒

題侯氏西園之桐院秋色

前人

瑟瑟秋聲月上時
早涼天氣倦題詩
夜蘭一枕花陰夢
倒影踈梧接短籬

杞邑八景

周

璣

玉璣邑令

辰樓春霽

天影垂春霽樓高敞
撫辰一窻星斗燦
四境物華新
雨歇膏全潤
相開樹漸勻
閒來此憑眺
樂意共吾民

河橋官柳

最是河橋柳千株共一溪東風吹不盡一夜綠初
齊葉密藏烏早枝垂繫馬低雙柑攜斗酒正好聽

黃鸝

西岡擬翠

翠靄連雲起西岡列古松霜皮溜雨黑黛影入天
濃擬作高城蔭居然秀氣鍾莫言培塿上不似大
夫封

圍城夜月

晚到圍城望長空月影多金波涵古堞皓魄走黃
河天迥浮雲散秋高候雁過何人煙霧裏子夜弄

新歌

空桑烟雨

堯舜君民志蒼茫烟雨中千秋尋聖跡此地有遺
風道自耕莘貴踪應釣渭同一犁春水外懷古意
何窮

南溪流雲

一碧連雲起雲光接逝川回波融積雪流影極長
天飛躍當機領烟霞此地偏關心民樂處傍水盡

良田

高陽晚渡

日落疎林晚高陽古渡頭碧天杳無際霞外一橫
舟得意印須便長空欸乃流回看明月上清影從

沙鷗

雙塔秋風

象教留城北浮屠耀梵宮七層摩斗極雙影入秋
風撫檻天光遠披襟爽氣通老僧能悟法不厭坐
談空

杞邑八景次 周玉圃夫子原韻

侯資燦

崑陵
邑人

長樓春霽

晴空望不極樓閣近三辰野水一灣碧春風蕩綠

新游絲烟際重青靄雨餘勻時有田歌近悠然本

古民

河橋官柳

一帶河橋柳纖纖繞碧溪烟中青不斷雨後綠初
齊絮薄侵衣冷絲牽帶露低莫教攀折盡暢好聽
黃鸝

西岡擬翠

渺渺西岡路蒼蒼五里松搖風霜葉麗巢月露華
濃雲岫接天出山靈特地鍾秋高新雨霽翠不受
塵封

圍城夜月

皎皎圍城月清暉不厭多星光浮遠樹雲影淡秋
河平子登樓賦庾公載酒過微霜看漸下逸興試
清歌

空桑煙雨

空桑何代蹟煙雨一犁中草淹殘碑字烏曠野岸
風天民曾自任先覺竟誰同遺址留千載閑尋路
未窮

南溪流雲

南溪雲不定去住散平川極浦烟銷樹中流水拍

天鷗波依柳近魚簷傍厓偏欲作浮家計終輸
郭田

高陽晚渡

客行來薄暝繫馬待沙頭野水初侵岸春風白送
舟殘霞傍歸鳥汀草漾新流柁轉聲聲急殷勤報
野鷗

雙塔秋風

寶塔凌雲際金莖擬漢宮清秋思極目萬里可乘
風拔地雙峯峙憑虛一氣通迴身看下界雲樹極
長空

杞邑八景和 玉圃周太老夫子原韻 朱

昶 世昌

辰樓春霽

一望天無際 風光及此辰
半空春色起 萬里日華新
窻外晴雲捲 城頭野草勻
陽春洵有脚 膏澤遍生民

河橋官柳

濯濯河邊柳 迎風綠滿溪
千絲經雨織 兩岸帶烟齊
葉茂連天碧 枝濃拂袖低
小橋風景好 靜坐聽黃鸝

西岡擬翠

極目西岡上森森峙老松翠經新雨濕綠帶暮雲
濃澗質經冬見靈根得氣鍾城邊作佳蔭何用羨
秦封

圍城夜月

皓魄當空起清暉此地多城頭懸玉鏡天半淡銀
河此夕晴光好登高爽氣過悠然懷古意何處聽
樵歌

空桑煙雨

一徑郊原古行人烟靄中林泉猶昔日耕鑿想淳
風指點阿衡跡經綸出處同悠然憑弔處吟咏意

何窮

南溪流雲

四野晴光裏
流雲映綠川
溶溶浮遠岫
淼淼接長天
兩岸鷗波細
一溪風景偏
我來欣賞處
荷葉正

田田

高陽晚渡

綠漲桃花水
平沙古渡頭
波光浮夕照
雲影落扁舟
隔岸烟如積
暹林翠欲流
荒村竚望處
天外一

沙鷗

雙塔秋風

塔影懸清漢秋聲起梵宮
天花飛暮雨法座引涼
風坐覺披襟爽行來曲徑通
微聞禪語寂檻外月
橫空

新秋西園夜坐二首

侯長松

松年邑人

夜靜見空色我懷愁如積
木杪涼風生輕寒瀉秋
碧落葉何飄搖草虫亦啾啾
古寺一聲鐘惆悵以
永夕

月出露氣涼秋聲在遙野
樹影淡欲無參差拂墻
下但聞風篔簹
宛似琴中瀉孤館坐相思
脉脉誰知者

春日泛舟隋河

前人

浩渺隋河一葉浮
隨波蕩漾意悠悠
櫓檣影裏春光好
欸乃聲中暮景幽
十里青莎歸斷岸
半灣綠水抱危樓
逢人莫話江都事
且放長歌對野鷗

蔡邕故里

朱璿元圃

中郎故里莽蒿萊
雲到圍城鬱不開
讜奏早能陳七事
榮名終悔歷三臺
私恩漫感王公座
蓋代誰憐漢史才
牢落一生忠孝意
至今遺跡尙堪哀

寄懷杞邑紳士

蔡淮英邑令

聖主恩波北海寬
還家眞作再生看
詞門冠蓋經年別

馬首壺觴舊淚乾，釣艇已歸肥水隱。行旌猶裏不
陵寒，此鄉忠義堪千古。惟望青雲奮羽翰。

冰雪頻行感物華，士林回首恨天涯。徑荒粟罌仍
存菊，日淺河陽未種花。垂老慈親安故國，乍歸稚
子問誰家。相思欲慰重來約，偃蹇淮南一敝車。

寄懷杞邑父老

前人

擁途猶憶酒頻斟，別後情牽更不禁。豈有雨膏三
月遍，漫勞歌哭七年深。寒天旅雁還鄉夢，遠路浮
雲謫宦心。好奉近來賢邑宰，清風到處聽鳴琴。
曾從問俗說民情，扶杖車前幾送迎。白首空憐詩

父老青氈依舊一書生須知人事先慈孝爲語兒
曹重讀耕千里迢迢睢水月關心清夜十分明

過杞道中並序

左大治

蕙莊

豫省頻歲旱祲大路柳株砍伐殆盡獨杞數十里
夾道成陰大河以南無此景也豈杞民獨愛柳哉
亦宰斯土者澤及生民故柳得全其生耳喜成四

韻

由杞達睢境垂楊遍兩行到來春作景看去喜成
狂憶歲遭頻歉逢君宰此方因知無剪伐不獨在

甘棠

和左蕙莊明府官柳韻

朱良鏞

驅車來祀邑官柳綠成行
表道枝垂蔭隨風態舞
狂植根滋樂土覽景勝他方
剪伐民知戒興懷蔽
芾棠

過高陽

前人

行到高陽地晨煙變早秋
村庄堪駐馬婦子半登
疇問彼成柴處與言古渡頭
黃河今昔異里社盡
消愁

弔夏馥

吳世縉
邑人

黨錮名傳姓字香夏生守道已高翔
閉門豈是凌

高蔡潛跡由來異
范張林慮山深花寂寞
圍城月落夜淒涼
變形毀貌人何處
彷彿乘風落大荒

杞縣志卷之二十四

叙錄志

舊志叙

著述總目

舊修志人姓氏

明

舊志序

己亥 徐元 邑人

嘗讀史則吾杞古高陽也黃帝以前漫無所考及商周繼起皆封夏後命曰杞國迨至漢興改爲雍邱縣隋復更爲杞州大業中興又易州爲縣唐武德時尋廢杞縣之名創自晉五代嗣後漢周宋元沿至我明國初有舊志在六十年以前亡論至嘉靖丙午霑化蔡侯時雍者編一志成至今又甫六

十年時以漸殊勢以漸異山川疆域猶昨而風俗不能無變遷制度不能無改革以習尚論吾杞昔稱醇朴今則怒馬鮮衣華屋連甍淫侈相高矣以本業論吾杞昔稱力勤今則半皆窳少積貯漏邑未實江河竭矣以闔闡論吾杞昔稱寧謚今則旱澇類仍比屋樗空草野中剽鷲為好輻輳矣且杞生齒日繁則縉紳士庶忠烈孝友與夫奸邪讒佞顯晦升沉修短窮達者又不知凡幾嗟嗟桑田滄海變幻靡常詎可以數十年之志遂為千百載之實錄哉北溟馬侯青齊安邱人也既對大廷居時於杞

杞甲中州其在梁宋間最稱衝劇候蒞杞五六載
以儒術節吏治削牘如馳聞幽若照解焚應變如
刃游矢決則製錦烹鮮良法美政未易枚舉乃注意
文獻起倣維風更化致始尤其所惓惓者於是檢
吾杞舊志覽之喟然曰採輿論而審風化邑宰事
也退食自公秉鉛槧旁搜遠考探賾抉隱不遺餘
力越數月而始成釐爲若干卷裒然一邑之全書
矣會上採循良吏徵侯爲客部郎僕且戒行屬不
佞序諸首不佞方苦二豎高卧白雲謝未能也夫
一鄭國之命草創討論修飾潤色更四賢人之筆

如吾祀志視詞命且倍稊而侯不藉二三掌故獨

力肩之考圖鼓表取裁於職方原本山川摹形於

禹貢詮次典訓準義於尙書苞舉庶彙參侔於國

史志藝域則廣袤昭矣志世代則遠溥乎矣志制

度則嫩惡分矣志風教則淳漓判矣志典禮修廢

籍賦息耗官師良表人物淑慝與夫事物常變藝

文質靡之類犁然顯著譬之按甲乙而數黑白懸

朗鑑而照妍媸也噫嘻茲志旣成俾後之蒞治於

祀者三復其書知利病何以興革知美刺何以勸

戒所其後日星而少其故於九載後在隨所

藻爲一邑之觀已耶咄咄馬侯大有造於吾杞也
夫大有造於吾杞也夫余不佞緣侯之命義弗能
辭僭申諸首簡如此云

舊志序

康熙癸酉

李繼烈

三韓

嘗讀周禮職方氏掌九有之圖籍古天子巡方所
至採士庶歌謠以周知十五國之風俗竊歎昔人
爲治道計何深遠也厥後地里志肇自漢史沿及
後代郡有書邑有紀上自星躔分野災祥雲物下
至山川形勝則壤物產以迄治行得失人材盛衰
風俗淳漓皆得詳列而備載焉煌煌乎鉅典也哉

矧夫分符綰綬躬膺民社之責而於一州一邑之
風上人物無所考據以爲觀法其何由建懿績而
樹偉烈乎杞邑爲東婁舊封去大梁都會咫尺汴
睢二水映帶其間其俗勤耕桑尙淳朴其人物卓
犖則阿衡之勲業中郎之文章文烈之節義輝映
簡冊洋洋乎大邑也余以謫劣謬膺

簡命承乏茲土簿書鞅掌之餘每覽舊志荒畧意在修復
而更事日淺未有暇晷幸際

聖朝百度釐舉之時史事修明尤厪

睿慮於鑠哉潤色鴻業昭太平一統之模將在茲已先是

大中丞間公下檄郡縣遍徵圖冊以備

國史採擇可謂爲政得大體矣而今大中丞顧公以

金華侍從

特簡節鉞中原文獻尤其所注意者余深懼隕越因檢舊

志距延陵吳君修輯時已踰三紀中間牴牾時存

魚豕相半寧足當一邑完書且三十年來典章日

以創建運會日以推遷人文政治日以磊落而光

明苟不乘時增修則世遠年湮先哲芳躅其不致

淪沒者幾希因於檄下之日舉學博王君鄭君二

尹錢君及諸薦紳先生諮求邑中耆俊熟典故而

具史材者僉舉明經何子燹光孟子宏秩侯子運
冒於是造館授餐共勦盛事或任纂輯或任討論
各輸所見無黨同無伐異要於大公而止余亦於
簿領之暇頗爲裁定凡舊志所舛誤者釐正之未
備者增補之始於順治己亥迄於康熙癸酉續緝
周詳燦若列箸雖不敢謂追踪往昔媲美前賢然
使後之君子覽其山川都鄙則知風土之分殊觀
其戶口土田則知生聚之盈縮見其文物遊宦以
及事蹟災祥之間則知文章德業與夫前言往行
之猶有可考萃百里於寸眸集千古於方幅法戒

昭然足爲龜鑑期無負兩中丞採風問俗之美意
以勸我

國家石渠天祿之盛將廢幾古職方之遺是則余之
志也夫是則余之志也夫

舊志序

康熙癸酉王昌基 洛陽
西教諭

麟經助於宣尼董狐嗣美稱良史龍門傳於漢代
司馬大業在家庭國史因邑乘而成職方所掌考
獻與徵文匪易司土宜知欲斬尊信於千秋敢慮
修明於一日維茲杞子之國風爲夏後之封神井
空桑山川之懿蹟未泯中郎姜女人物之生氣如

新且也。鄺范炳耀於前，徽宋韓赫奕於後。起故家遺俗，猶有存者。冠蓋簪纓，難悉數。况中允之扶植綱常，何慚文信而鄭史之著美巾幗，不讓梁妻寧第里。號鳴珂，大抵人多好義，赫赫鉅郡洋洋大邦。第烽火連綿，歎劫灰之未冷；滄桑淪落，悼故轍之全移。掌故荒蕪，老成凋謝，不乘時以搜輯，難示後以遵循。值茲

國運休明，人文炳蔚，憲臺移檄茂宰承流，遴碩彥於鄉人無事，藉才異國遵成式於舊乘，不必更創新規。或纂修或參閱，悉皆嚴慎精詳，爲闡幽爲表微。

俱屬光明俊偉興圖星野燦若列眉節義文章哀
然稱首堪作千年之龜鑑寧獨一國之典文冒基
株守寒醴猥秉教鐸寡聞渺見愧洛下之書生治
事分齋慚湖州之學博觀茲盛舉難禁片言珠玉
在前多假太冲爲弁冕沙磧落後不顧孫綽之嘲
譏云爾

舊志序

康熙庚午

耿念劬

邑人

大中丞閻公撫豫三載凡官民利弊錢穀張弛遐
邇胥浹矣乃檄下屬郡分纂邑乘俾成全省通志
以爲黼黻

聖朝文治之助誠煌煌鉅典也邑侯三韓李公爰承是命集邑之耆宿諮而謀之得負時望者三何君叔獻孟君嗣宗侯子敬韋館而資給之耳治筆書閱兩月始克斷乎侯乃走刺若園問序於劬劬惟志也者權輿於禹貢及周禮之職方班史以還因之作地里志而郡與邑遂各自有紀顧禹貢所載乃因賦高下墳壚黎赤以至篠簜箇箛龜魚之細職方則及於山藪川浸男女畜擾之粗而班與諸史則又述夫政治風俗奢儉緩急之故他或孜孜於形勢扼塞或者詳於封疆壺櫟綜尚不同總之於

奠民生益治道備昭其利病而已杞彈丸邑無高山
大澤之奇險然田廬繡錯租賦輸納炳章國版至
若軍餉供役之紛繁風俗文章之正變與夫天地
磅礴之所離剛柔燥濕之所產人物之俶儻山原
之流峙其爲可革可守可歌可傳者棼如治絲非
志胡以別物土而著措施經畫之術哉舊乘闕歲
久不無躋駁牴牾趑趄挂漏茲特廣採而慎存之
臚形勝於四圻光幽德於千載風土人情燎若觀
火不必事增於昔文減於舊其於奠生民益治道
功當與禹貢職方埒矣茲者史局宏開周諮文獻

軒輶之採宜先於黃衣揮人琅嬛諾臯則志之作
又與國史相關樞也書既成吾知李侯之所以報
中丞公與中丞公之所以獻

當宁者胥於是乎在儻

天子披圖而問治理行且嘉中丞之績而勞李侯之勤維
三子與有懋功焉爰濡筆而爲之序

舊志序

康熙癸酉

張發辰 邑人

國有史紀一代也省有志紀一省也郡邑有乘紀
一郡一邑也然國史紀一代而年有修短欲考古
証今者必讀全史而後可若省之志郡邑之乘雖

力域有限而事則上溯皇古下迄目前凡有關茲
土者悉載無遺且積邑而爲郡積郡而爲省然後
積省志以備國史採擇則邑乘乃國史之權輿也
烏可以不慎哉誠傳疑傳信確而不誣或褒或貶
公而勿私則星野之躔次山川之變遷古蹟之廢

興與風俗人物之升降盛衰一展卷而數千年事
洞如觀火汲古者亦可以鑑矣杞地百里在宇內
彈丸耳然星野有纏次也山川有變遷也古蹟有
興廢也風俗人物有升降盛衰也自鴻濛旣闢以
來其間之災祥遞出桑海屢易及鍾靈孕秀之俶

詭不常與寰宇百國互有同異要之杞自爲杞不
可無乘以載之也前此每三十年必增修者亦欲
俾學者披讀之下悚然知所取法卽不讀全史而
已免面牆如飲一泡而知大海之味其有神於人
心者不小寧但備國史之採擇已哉歲庚午邑侯
奉憲檄纂修邑乘越三年癸酉冬始付剞劂氏寧
緩勿急寧嚴勿濫蓋慎之也書成問序於余余思
邑乘雖微上關國史下裨人心延袤之間雖不過
百里而所紀乃數千百年嗟乎杞之爲杞與山河
天地同歷開闢以來六萬餘年其中之人與事誠

不可以數計而各類僅以二十卷盡之其爲可傳者亦僅矣夫星野山川古蹟之屬人力固無可如何而人物風俗則主張在人生斯土官斯土者讀此其亦知所興起無負侯筆削之深心則此書當與國史並不朽矣孰得以一邑乘而小之耶

舊志序

何彛光 邑人

按序舊志爲安邱馬侯筆蓋因嘉靖時蔡侯舊本頗增損之叙事簡當無近日龐雜之病距今垂百年矣

國朝順治末亦加纂輯適丁兵火之後載籍闕如余

時曾預其事得失蓋目擊之大旨荒畧未爲完書
披閱殊深悔恨庚午秋幸今邑侯三韓李公注意
文獻閱杞志有不足者慨加纂修延余與孟侯二
君同厠參校之列龜兔應命遍搜邑中始得所謂
焉侯舊志者因而詳加討論匪阿匪悖附以近事
裒益成書願二君博學宏識多所開發然以余齒
稍長記憶近事條例褒譏之責過蒙推轂遂自午
秋下筆延至酉冬工竣固已三易寒暑矣且其授
館多在歲杪孤燈夜雪溫火吮毫甘苦備嘗始克
就緒但愧疎淺筆乏斷制遠謝古良史才雖大書

特書其威於本公而豈本不精點金無色奈何
所自信者惟於諸列傳中未敢妄加綠書於
論中頗頗許可差可貴先達於夢寐者
平耳嗚呼區區一書而前尹之遺矩今侯之盛
在焉重以三載管校之勞均不忍廢覽斯編者
其心於簡冊之外可也

舊志序

乾隆乙丑
王之衡

國家統一區宇重熙累洽幅幘修廣亘古所未有四
海輿圖皆次第兼修河南遺志於雍正九年告成
凡星野山川河防兵賦田戶風土人物藝文無不

詳細備載煌煌乎誠鉅典也惟是各郡邑志不無
歲久未修者如吾杞乘自三韓李公續修距今餘
五十載其間天時人事沿革廢興以及風俗人文
皆不能無異苟闕而不志後何以稽歲甲子大中
丞碩公移節中州加意文獻首下檄令各編輯衛
承乏是邦日淺愧未周知又傳書鞅掌懼不勝任採
諸輿論僉曰潘君廷平何子奎田侯子薛文暨潘
君子埤輩者可衛乃適館授餐俾各罄心採擇依
舊志以類而附之間有增益要以無濫無遺合乎
大公而止匝十月事始竣上自災祥豐歉下逮清

渠橋梁與夫倉署之修墜田糧之增減官能之久
第人才之代興莫不列者指掌昭昭然而白黑分
非惟興衰登耗展卷可悉而忠孝節烈之風事業
文章之盛所以昭

國家邛隆之化而與中郎文烈爭光者亦皆煇若日
星矣是役也黼黻太平潤色鴻業固未敢信或者
上供太史之摭採下備守土之折衷藉諸君子手
以無負大中丞之雅意則衛不佞實厚幸爾是爲
序

舊志序

乾隆丁卯

沈青崖

秀水

夫夏之爲言大也虞爲帝終夏爲王始而封建於周則杞宋尤切蓋議禮制度考文監於二代者居多耳春秋時杞已失國遷於東夷習爲夷俗而猶得與白馬來賓者共玉帛敦盤之盛則禹功明德之遠所貽留者乎然與國外黃之故杞絕不相涉故尼山嘆其不足徵蓋自大禹至夫子已千五百餘歲矣今越周末又二千三百年而邑猶以杞名譏志乘者猶推東事公爲善造之賢豈誠有文獻之可徵歟曰不然三代以下文獻悉徵之廿二史知杞之爲國爲外黃爲雍邱而凡本紀志傳載國

外黃雍邱之人若事悉搜羅而裒集之增以三
通會要暨今版籍符檄所奉行者苟不呈漏卽爲
完善之書余昔修關中通志以此律限纂修諸君
勤成書百卷進呈

乙覽亦旣爲館閣採錄矣今觀祀舊志頗謹嚴於各類
論斷簡括有史筆之長是卽祀之文獻也惟自康
熙癸酉距今將六十載

朝之禮度文下逮一邑全體俱存政之所敷如月印潭
如水在地而

今上御極歲星一周培養滋息與神禹之無間同其巍

魏邳隆之治大莫與京而賢古今之承敝而纂後
者適遇山左王君振興百度間與其邑之耆儒輩
斟酌義類以實錄書之固已繪太平之象矣吾其
敢以文獻無徵尤之哉

著述總目

伊尹五十一篇

後世
依托

徐子四十二篇

戰國外
黃人

臣壽周紀七篇

漢宣帝時
國人失姓

蔡邕文集十卷

獨斷

二卷

宋庠別集四十卷

國語補音三卷

紀年通譜

詩二卷

掖垣叢志三卷

尊號錄一卷

叢談

十五卷

宋祁文集一百卷

唐

書一百五十卷 大樂圖一卷 明堂通義三卷

崔鷗婆娑集三十卷

傅彥和海濱集十卷

孫賢鳴盛集二卷

劉鳳儀衍皇極數五卷

邊彥駱使職昭鑒二卷

陰陽圖說二卷 元會

運世解六卷

楊本仁少室山人集三十卷

李璧先天易傳十二卷 陳卜過菴遺稿八卷

黃舒華蟋蟀吟四卷

王嘉言感遇集十二卷

徐自得南州詩集四卷

劉惟松排悶集六卷

侯于趙諫垣奏議二卷 幕府奏議八卷 西園

雜詠二卷 文集八卷 纂輯唐詩摘句二十卷

何倬聖謨節畧二卷 柏臺奏議四卷 文集

十二卷 霍昂字學正傳四卷

侯應徵南巡漫稿二卷 都門草二卷

徐元西臺奏疏四卷 分韻彙詩四卷

李茂春鹽梅志八卷 煙鬢子集十二卷

徐正學知年餘力二十四卷

孟紹虞樂三圖集二十卷 金華殿中語二卷

演綸草四卷

侯應琛秣昭館文集十卷 詩二卷 萬玉山房

集二卷 禮記簡註二卷 文廟禮樂考一卷

梁園記二卷 王太白耕心漫稿十卷

趙彥復梁園風雅十二卷 蘇門詩集二卷 二

遊草一卷 閻法乾詩集四卷

侯應瑜是亦山集十六卷 簡明律解二卷 水

災圖說二卷 固陵小草正續六卷 敝帚篇一

卷 劉理順文集十二卷

何印光遠岫堂集二卷 侯邦寧汝固集四卷

侯邦定雪香亭詩集一卷 寄齋別集四卷

侯體異偶吟詩集一卷 李中立本草原始十二卷

江禹緒龍策堂詩二卷 日省自記石刻一卷

馬之馳羗齋詩集一卷 馬頌瞻廬集十卷

馬之駮旣詩集六卷 周易解三卷 四書解五

卷 陰符經解二卷 馮瑋四書解八卷

耿天春鏡虹集一卷 歲園集一卷

閻篤古變雅伴馬嘶詩共二卷

張心易醫學彙編一百卷

耿念劬若園詩二卷 侯元斐問渡草一卷

侯方曾登志樓詩集二卷

侯京曾鶴珠堂詩集四卷

侯中毓棣軒草一卷 侯長松西園草一卷

以上皆授梓行世者時久多闕特紀其目云

纂修

杞縣知縣加級 王之衛 羽林山東濰光人庚戌

編次

杞縣縣丞

韓饒

子威饒紅

杞縣縣丞

鍾紫煒

白編建武平人歲貢

杞縣儒學教諭

范介年

書有虞城人舉人

杞縣儒學訓導

曲元銘

式圖南陽人歲貢

邑人進士

潘均 延平

邑人副榜

何中奮 蒼田

邑人生員

侯津 薛文

邑人州同

職潘樹藩 彤暈

以上皆乾隆十年舊修志人姓氏